

Բ. Ա. Ա. ՔԵԼՑԱՆ

ՄԻԳՐԱՑԻՈՆ ՏԵՍՈՒԹՅՈՒՆԸ
ԵՎ
ՀԱՅ ԺՈՂՈՎՐԴԻ ԱՌԱՋԱՑՄԱՆ ՀԱՐՑԸ



9 (47.525)

13998

3-70

Հայոց առ Բ

Տրամադրություն

Եւ այլ գործ

902.7 (Կ. 925)

Ա-70

Բ. ԱՌԱԲԵԼՅԱՆ

ԱՅԼԻՎԱՐ Է 1961 թ.

A 32978
1998

ՄԻԳՐԱՑԻՈՆ ՏԵՍՈՒԹՅՈՒՆԸ

ԵՎ

ՀԱՅ ԺՈՂՈՎՐԴԻ ԱՌԱՋԱՑՄԱՆ ՀԱՐՑԸ



ՀԱՅԿԱԿԱՆ ՍՍՌ ԳԱ ՀՐԱՏԱՐԱԿՈՒԹՅՈՒՆ

ԵՐԵՎԱՆ

1948

Պատասխանատու խմբագիր Գ. ՂԱՓԱՆՑՅԱՆ

Б. АРАКЕЛЯН

МИГРАЦИОННАЯ ТЕОРИЯ
И ВОПРОС О ПРОИСХОЖДЕНИИ
АРМЯНСКОГО НАРОДА

(На армянском языке)

Изд. АН Арм. ССР, Ереван, 1948 г.

Հին ժամանակներում էլ մարդկանց ուշադրությունից չի վրիպել այնպիսի կարևոր պատմական հարց, որպիսին է ժողովուրդների և նրանց լեզուների առաջացումը։ Սակայն հնում այդ հարցը կարող էր միայն առասպելական բացատրություն ստանալ։

Հայտնի է բարելոնյան աշտարակաշինության առասպելը, որի համաձայն, իբրև թե, կար ժամանակ, երբ մարդիկ պատկանում էին մի ցեղի, խոսում էին մի լեզվով և ապրում էին մի երկրում (Բարելոնում), ըստց հետո նրանց լեզուները խառնվեցին, և նրանք էլ ցըլվեցին երկրի երեսին, առաջացնելով տարբեր ժողովուրդներ և նրանց տարբեր լեզուները։

Մի առասպել էլ հորինված է եղել հայ ժողովրդի առաջացման վերաբերյալ որը գրի առնելով մեզ են հասցըել Մովսես Խորենացին և Սեբեոսը։ Ըստ այդ ավանդության հայերը սերվել են Բարելոնյան թել բռնակալի դեմ ապստամբած և Հայաստան գաղթած Հայկ նահապետից։

Այդ առասպելով առաջնորդվել են դարեր շարունակ, որովհետև նա չէր հակասում Աստվածաշնչին, և միջնադարյան կրոնական սիոնաստիկայի թագավորության շրջանում ուրիշ տեսություն չէր էլ կարելի ստեղծել։

Վրացական ժողովրդական ավանդությունն էլ պատմում է, թե Հայկը և Քարթլուսը եղբայրներ են եղել. Հայկից առաջացել են հայերը, իսկ Քարթլուսից՝ Քարթվելները (վրացիները)։

Հարյուր տարուց ավելի է անցել, ինչ այդ առասպելներն այլևս չեն բավարարում գիտության պահունչները։

Ժողովուրդների, նրանց թվում և հայերի առաջացման վերաբերյալ նոր տեսությունների երեան գալը կապված է 19-րդ դարի հնգերոպական լեզվաբանության հետ։ Գերմանական գիտնական Ֆրանց Բոպպի¹ 1833 թ. լույս տեսած «Համեմատական

քերականություն» աշխատությամբ սկզբնավորվեց հնդերոպական լեզվաբանությունը Աշխարհում գոյություն ունեցող լեզուները կապիկելով ցեղերի և ցեղակամբերի հետ, բաժանվեցին մի քանի լեզվական ընտանիքների, դրանցից էլ ամենաաշքի ընկենողը, քաղաքակիրթը և զարգացման ու տարածման առավել արժանին՝ համարվեց հնդերոպական լեզվական ընտանիքը, որի ուսումնասիրությամբ էլ տարգեց 19-րդ դարի եվրոպական լեզվաբանությունը: Մշակվեցին մի շարք սկզբունքներ, որոնք քառացած դոգմաների վերածվեցին:

Իբրև թե հնագույն ժամանակներից ի վեր եղել է մի հնդերոպական նախացեղ, որը խոսել է մի նախալեզվով (կամ նախամայր լեզվով) և ապրել է իր նախահայրենիքում: Հետագայում, իբրև թե, այս նախացեղի ճյուղավորման հետևանքով նախամայր լեզուն էլ ճյուղավորվել է, առաջացնելով դուստր լեզուներ, որոնք նախացեղից առաջացած ժողովուրդների աստիճանական միզրացիայի (գաղթի) եղանակով տարածվել են աշխարհի երեսին՝ բռնելով Հնդկաստանի արևելյան ծայրից մինչև Խալանդիայի արևմտյան ափերը:

Եթե «Հնդերոպական» անվանված ժողովուրդները առաջացել են մի ընդհանուր նախացեղից և նրանց լեզուներն էլ մի ընդհանուր նախամայր լեզվից, առաջ ժողովուրդների և նրանց լեզուների մեջ գոյություն ունեցող ազգակցությունը ուղիղ գծով առաջանում է նախացեղից և նախալեզվից: Դուրս է գալիս, որ լեզուները ոչ թե առաջանում են հասարակության և հասարակական հաղորդակցության ու մտքի զարգացման հետեւվանքով, այլ ծնվում են նախամայր լեզվից: Համաձայն այս ծննդաբանության հնդերոպական լեզվական ընտանիքին պատկանող լեզուների բառարձանների և քերականական նմանությունները զայխ են նախալեզվից: Երանք ստեղծվել են մեկընդմիշտ և կարող են միայն քանակական էվոլուցիայի ենթարկվել: Բառամթերքի և քերականության որակական փոփոխությունները բացառվեցին: Հնդերոպական համարված լեզուների ոչ հնդերոպական արմատները, քերականական ձևերը համարվեցին օտարամուտ պարզ փոխառություններ:

Հնդերոպական լեզվաբանությունը ուսաւյական հիմքի վրա է կառուցված: Առանձին ինքնակա ուսաների հետ կապվեցին լեզվական ընտանիքները, որոնք իրար հետ խաչաձևվել չեն կարող, ինչպես խաչաձևվել չեն կարող այդ ինքնակա ուսաւյական հիմքի վրա:

ները, Այդ խաչաձևմամբ առաջացող սինթեզը և ամեն մի շեղում կամ տարբերություն էնդերոպական» օրինաչափություններից քացատրվեց ազգեցությունների և պարզ փոխառությունների դեհնկաբանությամբ:

Էնդերոպական լեզվաբանության տեսական սկզբունքները բուրժուական հասարակության թագավորության պայմաններում մի շարք հասարակական գիտությունների՝ պատմության, հնագիտության, ազգագրության, մարդաբանության, արվեստի, հոգևոր կուլտուրայի պատմության, նույն ուղիով, զարգանալու ելակետը հանդիսացան:

Այդ բանն առանձնապես մեծ չափերով տեղի ունեցավ հասարակության հնագույն պատմության և կուլտուրայի ուսումնասիրության բնագավառում: Դերմանական հնագետները (Օքելմայեր, Հորստ) շատապեցին հնագիտական տվյալներով «հիմնավորել» գերմանական լեզվաբանների ուսաւյական ուսակցիոն տեսակետները: Նրանք չեին կարող հաշտվել այն մտքի հետ, թե երկրագնդի վրա մարդը մեկ ընդհանուր ծագում ունի, և հասարակության զարգացման, կուլտուրայի ստեղծագործության պրացեսն էլ միասնական, համամարդկային պատմական երեսությ է և տեղի է ունենաւմ տմբողջ մարդկության համար (առանց ցեղի խալության) ընդհանուր օրինաչափությունների հիման վրա, այդ օրինաչափությունների՝ տեղի և ժամանակի մեջ կոնկրետ դրսևորությունների միջև եղած տարրերություններով հանդերձ:

Դերմանական գիտնականները մերժեցին առաջավոր գիտության պաշտպանած տեսակետը մարդու ծագման մոնոգննեղի վերաբերյալ, որի համաձայն մարդը երկրագնդի վրա մի միասնական ծագում է ունեցել և տարբեր տեղերում առաջանալով՝ նամիենույն միասնական տիպին է պատկանել: Նրանք առաջ քաշեցին պոլիգնեղի տեսությունը, որի համաձայն մարդը, իրեկ թի, միասնական ծագում և զարգացման մի ընդհանուր ուղի չի ունեցել, տարբեր վայրերում նա տարբեր ճեղքով է առաջացել, իբրև թե մարդու ծագման օրից և եթ սկիզբ են առել տարբեր ուսաները, որոնք իրար հետ չեն խաչաձեգում և հասարակական զարգացման ու կուլտուրական ստեղծագործության տարբեր ուղիներով են ընթանում: Տարբեր նախացեղերից տարբեր էթնիկ (ցեղական, ժողովրդական) կազմավորություններ են առաջանում, որոնք իրար հետ չեն խառնվում, Միենույն նախացեղից գոյացած և միենույն կենտրոնից գաղթի եղանակով տարածված ազգակից ժողովուրդ-

Ների կուլտուրան էլ, իրրև թե, առաջանում է միհնույն կինտորնից, նույն արմատներն ունի և իր ուրույն էվոլուցիան է ապրում:

Այս ռասայական միգրացիոն տեսության հեղինակ հնագետները հասարակության զարգացման հետևանքով առաջացած որակական փոփոխությունները կուլտուրայի մեջ՝ տվյալ երկրամասի կամ վայրի էթնիկ կազմի փոխարկվելու հետևանք հայտաբերցին:

Դերմանական հնագետ Օքերմայերի կարծիքով դեռ ստորին պալեոլիթից սկսվում են միգրացիոն ալիքները: Լեզվաբաններին հետևելով հնագետներն ու պատմաբաններն էլ՝ մարդկային հասարակության և նրա կուլտուրայի մեջ կատարվող որակական ամեն փոփոխություն կապեցին տարբեր ռասայի էթնիկ էլեմենտների հետ, որոնք գաղթելով տարբեր կուլտուրական կինտորներից իրենց հետ պատրաստի և որակապես անփոփոխ վիճակում բերում են տվյալ կուլտուրան:

Հնդկաբարձրանությունը ընդհանուր պատմա-փելիսովայական կոնցեպցիա դարձավ: Նախացեղերի գոյացումը բացատրվեց պոլիգենեզով, նախալեզվից և նախահայրենիքից բացի, սկսեցին խոսել առնասարակ նախակուլտուրանների և կուլտուրական օջախների մասին, որտեղից տարածվում է կուլտուրան գաղթի միջոցով: Այս գիտնականների կարծիքով գաղթողները հաստատվելով իրենց «նոր հայրենիքում», ամեն ինչ պատրաստի վիճակում բերելով իրենց հետ, տեղական բնիկներին ու նրանց ստեղծած կուլտուրան ոչնչացնում են: Գերմանացիներ Օքերմայերը և Կունը, ֆրանսիական աբբատ Բլեյլը նախամարդուն նրա զարգացման օրինյակ կոչվող աստիճանում (պալեոլիթի շրջան) Եվրոպա էին բերում Աֆրիկայից: Եվ, իբրև թե, օրինյակի մարդը Եվրոպայում բնաջինջ արեց նեանդերտապան մարդուն: Եվրոպայի այս նոր բնիկներին վերագրվեց ռասայական և կուլտուրական գերազանցություն, կունի կարծիքով սրանք էին, որ բնակություն հաստատելով իսպանիայում և հարավային Ֆրանսիայում, ստեղծեցին արվեստը, որի «արարչությունը» միայն և միայն նըսնց է պատկանում: 19-րդ դարի վերջերին և 20-րդ դ. սկզբներին արհմտահվառպական գիտնականների մեջ ընդարձակ վեճ էր գնում նախահայրենիքի որտեղ գտնվելու, միգրացիայի ուղղության և ճանապարհների վերաբերյալ:

Հակառակ Օքերմայերի—Բլեյլի «աֆրիկական» տեսակետի,

Օսբորնը հնդկառապացիներին Արևելքից էր Եվրոպա և այլուր գաղթեցնում, Վ. Բոտարը՝ Ալթայից, Ժակ զը-Մորգանը Առաջավոր Ասիան կամ Սիբիրն էր հնագույն կուլտուրայի հախահայրենիքը համարում, Զ. Թիլլորը կազմեց Իրանից՝ Նեոլիթի գաղթի քարտեղը, բաղմագույն նկարազարդ կերամիկայի հայրենիքը համարվեց Սուլը. Մոնտելիուսի կարծիքով բրոնզը գտնվել է «միայն մի անգամ» Արևելքում, այնտեղից էլ տարածվել բոլոր մայր ցամաքները (բացառություն է արվում Ամերիկայի նկատմամբ), եղուարդ Մեյերը գաղթն ընդունում էր Արևելքից, Յոզ. Ստրժիգովսկին արվեստի զանազան ձևերը գաղթեցնում էր Եվրոպա Ալթայից, Իրանից, Կովկասից, Փոքր Ասիայից, որու ձևեր էլ նրա կարծիքով վերամշակվելով Արևմուտքում, նորից վերադառնում էին Արևելք:

Միգրացիոն-ռասայական տեսության մշակումը իմպերիալիզմի էպոխայում ավելի և ավելի է քաղաքական կերպարանք ընդունում: Արևմտա-Եվրոպական իմպերիալիզմը չէր կարող հանդուրժել գաղթը Արևելքից, և 19-րդ դ. վերջերից ու 20-րդ դ. սկզբներից՝ ավելի տիրապետող է դառնում այն տեսակետը, որի համաձայն Եվրոպան է եղել մարդկության ու նրա կուլտուրայի կենտրոնը և միգրացիան գնացել է Եվրոպայից գետի մյուս երկրամասերը (Մեյե, Մոռլե, Ե. Ֆրադին, Ե. Էսպերանտո, Դեպրե, Վան Գենեպ, Սոլոմոն Ռայնաք, Շունարդ, Շմիդտ և ուրիշները): Սրանք նույնիսկ այսպես կոչված Գլոբուլյան գիրը վերագրեցին նեռլիթյան շրջանին, որպեսզի եվրոպական գիրը աշխարհում հայտնի եղածներից հնագույնը դուրս գա: Ա. Շմիդտը անդամ չինական և ճապոնական կուլտուրաներին եվրոպական ծագում վերագրեց:

Հնդկառապաբանության և նրա միգրացիոն տեսության վերջին փուլը և տրամաբանական վախճանը կապված է գերմանական իմպերիալիզմի իդեոլոգիայի հետ: Այդ իդեոլոգիայով ներշնչված գերմանական գիտնականները չէին կարող հանդուրժել ոչ միայն միգրացիայի Ասիայից Եվրոպա գնալու միտքը, այլև այն, որ նախահայրենիքը գերմանական «արիական, նորդական» ցեղի զրադեցրած երկրներից հեռու լինի, և այն տեղագրեցին Լիտվայից կենտրոնական Եվրոպայի վրայով մինչև Կարպատները ընկնող երկրներում: Եվրոպական ժողովուրդներից հնագույնը, իսկական եվրոպական, արիականն էլ համարվեցին գերմանացիները: Այսպիս առաջացավ հնդագերմանական ուղ-

դությունը (Կոսսինա, Բրունդիսիքեր, Մուխ, Լիլտենբերգ, Հայն Վիլկե):

Գ. Վիլկեի կարծիքով պահեոլիթի վերջին շրջանում Եվրոպայում բնակվող մարդը ճյուղավորումներ տվեց, սակայն բացի նեանդերտալյան մարդուց մյուսները կենառնակ և կուտուրական ստեղծագործության ընդունակ չլինելով՝ անհետացան: Կոսսինան և Գ. Վիլկեն «միակողմանիությունից» և մի շարք հակասություններից խուսափելով՝ ընդունեցին շարժումը երկու կողմ՝ արևմուտքից արևելք և հակառակը, բայց միգրացիան՝ միայն Եվրոպայից:

Մի քանի ֆրանսիացի գիտնականներ հակադրվելով հնդագերմանականությանը Շումերն ու Էլամն էին համարում այն օջախը, որտեղից տարածվել է կուլտուրան: Գեորգ Վիլկեն հնդագերմանականության նկատմամբ եղած այդ հակադրությունը «լուծեց» նրանով, որ Շումերը և Էլամը համարեց հնդերոպական, իսկ նրանց բնակիչներին՝ Եվրոպայից գաղթած: Գերմանական հնագիտության ներկայացուցիչ՝ Գեորգ Վիլկեի կարծիքով գոյություն է ունեցել հնդագերմանական ցեղերի մի նախահայրենիք, մի կենտրոն (միջին և արևմտյան Եվրոպան), մի կուլտուրա և սրա միակ ստեղծագործողներն էլ եղել են հնդագերմանացիները:

Վիլկեն գտնում է, թե կուլտուրան տարբեր տեղերում գուգահեռաբար չի ստեղծվում, այլ առաջանում է մի կենտրոնում, որտեղից և տարածվում է: Բայց ինչ եղանակով: Գուցե առևարի շնորհվել, կամ դանդաղորեն հարեւաններին փոխանցվելով: Բայց Վիլկեն բազմաթիվ փաստեր հարմարեցնելով իր տեսակետին՝ աննշան դեր է վերագրում այդ երկու ուղղուն, գտնելով, թե որպակական փոփոխությունները դրանցով չեն առաջանում և ընդունում է, թե կուլտուրան եվրոպական օջախից տարածվել է միգրացիայի միջոցով:

Վիլկեն ձևական նմանությունների հիման վրա կազմել է հնագիտական նյութերի ընդարձակ տիպաբանական սխեմաներ, որոնցով աշխատել է ցույց տալ, թե միգրացիան որտեղից, ինչ ձանապարհներով և դեպի ուր է տարածվել:

Ծայրահեղությունների հասցնելով առանց այն էլ արատավոր ձևական-տիպաբանական համեմատական մեթոդը և կտրելով իրերն ու երեսութեները ժամանակից, պատմական միջավայրից և հասարակության դարգացման աստիճանից՝ Վիլկեն

իրար հետ է համեմատել և դասդասել քարե, կավե իրերը, քանդակները, միջերը և պաշտամունքային ըմբռնութերը: Դասակարգումը կատարված է զուտ ձևական նմանությունների հիման վրա, ըստ որում իրար հետ են համեմատված և նույն կարգին են դասված, ասենք, Սուզի բաղմագույն կավե ամանաները, Նախիջեանի մատ Արաքսի ափին գտնվող Կարմիր-վանքի բաղմագույն կավե ամանների բեկորները, Անառի (Թուրքմենստան) և Զինաստանի գույներով ու ձևերով նույնանմտն կերամիկան: Համաձայն զրան ել զծված է գաղթի ուղին՝ Սուզից—Զինաստան:

Վիլկեն համեմատության մեջ է զնում ոչ միայն բաղմաթիվ երկրների իրերն ու առարկաները, այլև առանձին կավե բեկորների վրա հանդիպող՝ ձևով իրար նմանվող զարդանկարները, կտրելով նրանց իրենց միջավայրից և հաշվի չառնելով ոչ ժամանակը, ոչ էլ տերիտորիան: Նույն հնդերուայքանության սկզբունքների՝ մանավանդ միզրացիոն ակսության հիման վրա է կասուցված գերմանական արինուոգիական հանրագիտաքանը («Reallexicon der Vorgeschichte»):

Վիկեննայի էթնուողիական շկոլան (Վ. Շմիդտ, Մենզին, Շտայտ, Կոռուպերս) ոչ միայն կուլտուրական, այլև տնտեսական կյանքում կատարվող բոլոր փոփոխությունները բացատրում է բնակչության էթնիկ կազմի կամ ռասաների փոխարկություններով: Այսպես է ստացվում, թե երկրի վրա գոյություն են ունեցել հոգագործական ռասա, անասանապտնական ռասա, նույնիսկ ժապավենաձեռն զարդանկար ունեցող կավե ամաններ արտադրող ռասա: Այդ ռասաները գտնվում են հարատես պայցքարի մեջ և, եցր մեկը հազթում է մյուսին ու գրավում է նրա տերիտորիան, ապա պարտված ռասայի կուլտուրան փոխարինվում է հազթողի կուլտուրայով:

Մենզինը հնարավոր է համարում ցեղերի, ժողովուրդների և նրանց կուլտուրաների խաչաձևութերը, սակայն այդ արտոնությունը վերապահում է միայն առանձին ժողովուրդների և կուլտուրաների, խաչաձևումն էլ համարում է սոսկ որպես դիպաված, որով իրար են խառնվում արգեն պատրաստի և ձևավորված կուլտուրաները: Այդպիսով խաչաձևումը չի դիտվում որպես տեսական պրոցես, որի ընթացքում տարրեր էթնիկ էլեմենտները և նրանց կուլտուրաները սինթեզվում են և գարգաց-

ման ու փոխակերպությունների ենթարկվելով՝ առաջացնում են նոր կուլտուրա:

Վ. Շմիդտը, Մենգինը և մյուսները ցեղային կամ էթնիկական խմբերի փոխարկվելու հետ կապեցին նույնիսկ հասարակական և կուլտուրական զարգացման տարրեր աստիճանները: Նրանք ժխտելով հասարակական առաջընթաց զարգացման պրոցեսի միասնությունը, խորացրին «կուլտուրական շրջանների» տեսությունը և մարդկության վաղագույն կուլտուրան բաժանեցին մեկը մյուսի հետ կապ չունեցող և առանձին պիրամիդների պես կանգնած կուլտուրական չորս շրջանների, այն է՝ նախնական կուլտուրանների շրջան, առաջադիմած կուլտուրանների շրջան, ավելի առաջադիմած կուլտուրանների շրջան և նախապատմական շրջան, գիտելով գրանք որպես իրար հաջորդած էթնիկական խմբերին համապատասխանող «կուլտուրական շրջաններ»:

Վեճեր սկսվեցին այս կամ այն «կուլտուրական շրջանի», ավելի ճիշտ՝ այս կամ էթնիկ խմբի առաջնության մասին: Այս «կուլտուրական շրջանների» առաջացումը բացատրվեց նորյան ժիգրացիոն տեսությամբ, նոր էթնիկ խմբերը գաղղթելով և գալով բնակություն հաստատեցին տվյալ շրջանում, որտեղից էլ հետագայում գաղթելով՝ տարածեցին այս շրջանի կուլտուրան:

Նույնիսկ ժխտվեց այդ շրջանների միջև կապը և կուլտուրական հաջորդականությունը, որովհետև միզրացիոն տեսության հեղինակների կարծիքով նոր խմբերը գրավում էին կամ զատարկ տարածություններ և կամ կուլտուրական ստեղծագործության անընդունակ ցեղերի տերիտորիաները: Եվ, իբրև թե, նոր կենսունակ և կուլտուրական ստեղծագործության ընդունակ ցեղերի երեան գալով, նախկին բնակիչներն անհայտանում էին: Այս եկվորներն էլ, իբրև թե, էթնիկ տեսակետից վերջնականապես ձեւավորված են լինում և որպակական փոփոխության չեն ենթարկվում ոչ գաղթի ճանապարհին, ոչ էլ նոր նվաճած երկրներում: Գիտնականներից ոմանք էլ գտնում էին, թե նորեկները, նվաճելով տվյալ երկրները, բնիկներին քշում էին հետացնում, որպեսդի չխառնվեն նրանց հետ և «մաքուր» պահպանեն իրենց ռասան:

Եղան և այնպիսի «գիտնականներ», որոնց կարծիքով նորեկները հներին պարզապես ոչնչացնում էին: Ամերիկացի Օսբորնը, օրինակ, պնդում է, թե առաջույցներ չկան թե նեանդեր-

առաջան կանայք ոչնչացվեցին և երկրում մնալու թույլատվություն ստացան¹:

Իսկ գերմանական գիտնական հառազերը այնքան է հեռու գնում մարդատյաց իդեոլոգիայի մեջ, որ պնդում է, թե գաղթողները, որպեսզի ազատվեին տեղացիների հետ խառնվելու անխուսափելի վտանգից, պարզապես կոտորում, ոչնչացնում և երկրի երիսից սրբում էին այն ցեղերին, որոնք հանդիպում էին նրանց գաղթի ճանապարհին: Եթե նկատի ունենանք, որ ավելի զարգացած կրոմանոնյան մարդը երկրի երեսին ամենուրեք է փոխարինել նեանդերտալյան մարդուն, ապա դուրս է գալիս, թե նեանդերտալյանի ոչնչացումը տեղի է ունեցել ամենուրեք:

Միգրացիոն տեսությանը բուրժուական գիտության մեջ էթնիկ ու կուլտուրական հարցերը լուծելու համապարփակ բանալու դեր վերագրվեց:

Թերեւս միգրացիոն տեսության կարապի երգն էր այն, որ գիտնականները (Լեվի Սիլվեն, Ռիվյե և ուրիշները) ամերիկյան մարդու և նույնիսկ Հարավային Ամերիկայի ամենահարավային ծայրամասի բնիկների և կուլտուրայի ծագումն էլ սկսեցին բացատրել Ավստրալիայից, Մալայո-Պոլինեզիայից այստեղ եկած միգրացիոն ալիքներով:

Եվ երբ նույնիսկ արևմտյան մի քանի գիտնականներ այնուամենայնիվ կասկածանքի ենթարկեցին այդպիսի գաղթի հնարավորությունը (մանավանդ ենթաղրվում էր, թե գաղթը հաջորդել է Ավստրալիայի՝ Պոլինեզիայի և Ամերիկայի՝ օվկիանովի իրարից անջատվելուն), ապա Ռիվյեն 1924 թ. «Նոր փաստերով» հանդես եկավ ի պաշտպանություն այդ գաղթի տեսության: Նա զիմելի էր համարում միայն մեկ հարց՝ ավստրալիացիները կամ մալայո-պոլինեզացիները գաղթել են անցնելով Բերինգյան նեղուցնվ, Ալյասկայի վրայով, թե օվկիանոսային ճանապարհով: Դրանով միգրացիոն տեսությունը մի տեսակ ծաղրանքի վերածվեց:

Բայց միգրացիոն տեսությունները կազմվում էին «ամենայն լրջությամբ»: Բանն այնտեղ հասավ, որ միգրացիոն տեսության խոշորագույն ներկայացուցիչ Սոլոմոն Ռայնաքը, ինչպես և Վան Ժեննենը, զգալով, որ գիտությունը խնդրվում է միգրացիոն տեսության հորձանքների մեջ, հանդես եկան ամեն ինչ

¹ Особори, Человек древнего каменного века, т. I, стр. 205.

միգրացիայով բացատրելու դեմ՝ «Բավական է միգրացիոն միգրաժը», — ստիպված էր բացականչել Ս. Ռայխաքը:

Այնուամենայնիվ բուրժուական գիտության մեջ միգրացիոն տեսությունը տիրապետող մնաց և մինչև այժմ էլ արեւուտքի անգամ համեմատաբար առաջադեմ գիտնականները չեն կարողանում ազատվել նրա ճնշող ազգեցությունից: Օրինակ՝ անգլիական դիտնական մնացեսական մատերիալիզմի ներկայացուցիչ Գորդոն Չայլդը մի քանի տարի առաջ լույս ընծայած էր աշխատության մեջ, իրեն թե, մերժելով միգրացիոն տեսությունը, միաժամանակ չի հրաժարվում այդ տեսության միջանի հիմնական սկզբունքներից: Նա մերժում է մարդու հնագույն կուլտուրայի միասնությունը և նրա զարգացման միամնական ուղին: Վիեննայի էթնոլոգիական շկոլայի ու արքատ Բըհըլի (Փրանսիական շկոլա) հետևությամբ նա նեղեթի սկզբէց և եթ ընդունում է երկու տարրեր ցեղերի իրար հետ չխաչաձեվող, իրար հակադիր կուլտուրաների ու «կուլտուրական շրջանների» գոյությունը և պայքարն այդ ցեղերի ու կուլտուրաների միջև: Իսկ հոմօ sapiens-ը (գիտակից մարզը), իրեն թե, ոչ սի տառչություն չունի այսպիս կոչված կլեկտոնյան կուլտուրան ուսիղծած մարդու նեանցերտալինի հետ, որը մեռնում, անհետանում է և զրան էլ օգնում է վերին պալեոլիթի ուսաւյի տառաջցումը:

Մինչուրուցիոն Ռուսաստանի գիտնականներից շատերն էին հետևում նույն միգրացիոն տեսությանը: Ն. Յ. Մառն էլ իր գիտական գործունեության գեռ առաջին տարիներից որոշ հարցերում հակագրելով հնդկրոպարանությանը, այնուամենայնիվ մինչեւ սևոլուցիայի առաջին տարիները հիմնովին կանգնած էր մնում հնդկելուցական լեզվագիտության և պատմագիտության դիրքերի վրա և ամբողջովին որդեգրել էր նաև միզրացիոն տեսությունը: Ն. Մառն այսպիս կոչված «հարեթականներուների և ժողովուրդների տարածումն էլ կովկասից դեպք Միջերկրական ծովի ավազանը կամ հակառակ ուղղությամբ բացատրում էր միգրացիայով:

Մեռլուցիայի առաջին տարիներին էլ հնագիտության բնագավառում դեռ ընդունվում էր միգրացիոն տեսությունը: Բ. Ն. Վիշնևսկին իր «Происхождение древнего человека», 1926թ. կեննագրադում լույս տեսած, գրքում մերժելով մարդու ծագման վերաբերյալ պոլիսինեզի գերմանական ուսաւյական տե-

առւթյունը, սակայն գտնում էր, թե մարդը ծագել է երկրագնդի վրա միայն մի կետում, որն իբրև թե գտնվում էր Հիմալայան զեռնիրից դեպի Հյուսիս Այստեղ առաջանալով՝ մարդը գտղթականական ալիքնիրով Ասէայի մեծ զետերի հովիտներով տաքածվեց երկրի երեսին և Ալյասկայի վրայով էլ անցալ Ամերիկա: Աշխատությանը կցված է քարտեզ, որտեղ ցույց հն տրված մարդկության «Նախաճայընիքը» և միգրացիայի ուղիները:

Միգրացիոն տեսությունը 1920-ական թվականներին ընդունում էին հայտնի հնագիտ Վ. Ա. Գորոգցովը և ուրիշները:

Բուրժուական դիտնականները միգրացիոն տեսությունը գարձրին համընդհանուր օրենք:

Անտրոպոլոգները սկսեցին որոնել մեկ կամ մի քանի կետեր, որտեղ իրեն թե ծագել է մարդկային ցեղը (կամ տարրեր ցեղերը) և գաղթելով՝ տարրածվել ամենուրեք, լեզվաբանները վնասում էին նախաճայընիք և նախալեզու, հնագիտաները՝ կուլտուրայի մի կամ մի քանի կենտրոն, որտեղից միգրացիոն ալիքների հետ տարածվել է մարդկային կուլտուրան: Մարդկային հասարակության զարգացման և կուլտուրական ստեղծոգործության պրոցեսում առաջացած որակական փոփոխությունները կտպվեցին գաղթի հետ: Ամեն նոր կուլտուրա նոր էթնիկ միջավայրի արդյունք համարվեց:

Միգրացիոն տեսությունը պատմա-փիլիսոփայական տեսակետից իդեալիստական մետաֆիզիկ մեթոդունդիայի հիման վրա է կառուցված: Պատրաստի և արդեն ձևավորված և միայն դանդաղ էվոլյուցիայի ննթարկվող էթնիկ խումբը, լեզուն և կուլտուրան միայն տեղափոխվում, տարածվում են:

Փողովուրդների, նրանց լեզվի և կուլտուրայի զարգացման պատմական պրոցեսը կարվեց հասարակության սոցիալական զարգացման ընդհանուր պրոցեսից և պատմական միջավայրից: Անտեսվեց հենց ինքը հասարակության սոցիալական զարգացման պրոցեսը: Անտեսվեցին պատմական առաջընթաց զարգացման աստիճանները և նրանց հետևանքը հանդիսացող կուլտուրաների հաջորդականությունը փոխարինվեց իրարից անջատ և անկատակից համարվող «կուլտուրական շրջանների» (տերթառիալ իմաստով), կամ իրար փոխարինող էպոխաների տեսությամբ: Հստ որում նոր էպոխան ոչ թե զարգանալով հնից է առաջանում, այլ իրեն թե, նոր երեսն եկած ռասայի սահղագործությունն է հանդիսանում և ըստում է անհետացած հնից

տեղը: Մասնակի՝ որակական փոփոխությունները համարվեցին տղթեցությունների և փոխառությունների հետևանք: Միջանկյալ և անցողիկ կուլտուրաները վերագրվեցին ինչ որ անհայտ էթնիկ խմբերի:

Միզրացիոն տեսությունը իր հիմքով ռասայական տեսություն է: Գաղթող էթնիկ խմբերը այս կամ այն ռասայից են սերված համարվում, ըստ որում ավելի կենսունակ և կուլտուրական ստեղծագործության ընդունակ հայտարարվում է հնդեւրոպական, իսկ գերմանական դիտնականների կարծիքով՝ արիուգերմանական ցեղը: Ցեղերի հոգեկան և ֆիզիկական տիպը համարվեց անփոփոխելի:

Ներքին սոցիալական զարգացումը և սոցիալական հակադրություններն ու կոնֆլիկտները փոխարինվեցին արտաքին մոմենտներով՝ ռասայական հակաղղություններով ու ռասաների ուղաքարությունը:

Իմպերիալիզմի էպոխայում միջրացիոն տեսությունը գործիք դարձավ իրենց բարձր ռասա համարող, տերիտորիալ զավթումների և ուրիշների վրա իրենց իշխանությունը հաստատելու ձգտող իմպերիալիստական զիշտափիների ձեռքում:

Խոտանելի է միզրացիոն տեսության ոչ միայն մեթոդոլոգիան, այլև մեթոդը: Քննարկվող հարցը կամ նյութը կտըրվում է ոչ միայն պատմական միջավայրից, այլև դիտվում է միակողմանիորեն, հարմարեցվում է մտացածին և կանխակարգածիներին ու տեսություններին: Նախահայրենիքների և Շուլցառուրական շրջանների» տեսության համապատասխան՝ քըննարկվող նյութը գասակարգման է ենթարկվում զուտ ձևական-համեմատական մեթոդով, կազմվում են տիպարանական սխեմաներ, որոնց մեջ դասդասվում են լիզվի, նյութական և հոգեորկուլտուրայի մատերիալներն ու տվյալները ըստ զուտ արտաքին ձևական նմանությունների, ըստ որում անտեսվում է պատմական միջավայրը, ժամանակը և տվյալ երկրի, որտեղ նյութերը հայտնաբերված են, հասարակական զարգացման աստիճանը:

Հնագիտությունը դարձավ համեմատական առարկայագիտություն, լեզվաբանությունը՝ ռուավելապես հնդերոպական համարվող լեզուների համեմատական ուսումնասիրություն:

Հետամնաց և ռեակցիոն միզրացիոն տեսությունը միան-

գամայն անհարիբ է մարքսիզմ-լենինիզմի պատմա-մատերիալիստական ուսմունքին:

Մարքսիզմի կլասիկները բացահայտեցին մարդկային հասարակության առաջացման և զարգացման պրոցեսի միասնականությունը, նրա առաջընթացի ուղիներն ու օրինաչափությունները նախնադարյան հորդայից սկսած մինչև սոցիալիստական հասարակությունը:

Ընտանիքի ծագումը, ցեղային միությունների, ժողովուրդների, դասակարգային հասարակության և պետության, ու ազգերի կազմավորման պատմական պրոցեսները հանձարեղորեն բացահայտվեցին և լուսաբանվեցին մարքսիզմի կլասիկների միշտը աշխատություններում:

Ֆրիզը ինքելսը «Բնության դիալեկտիկան» և «Ընտանիքի, մասնավոր սեփականության և պետության ծագումը աշխատությունների մեջ լուսաբանել է մարդու ծագման և նախնական հասարակության ու նրա կուլտուրայի զարգացման պատմությունը, դասակարգային հասարակության և պետության առաջացումն ու զարգացումը: Այդ աշխատությունների մեջ ժողովրդի առաջացումը զիտվում է որպես դասակարգային հասարակության և պետության կազմավորման միասնական պրոցեսի բասը և հետևանքը»:

Ընկեր Ստալինը բացահայտել է ժողովուրդների և ազգությունների գոյացման պատմական պրոցեսը՝ ժողովուրդներն ավելի վաղ են առաջանում, քան ազգերը, ազգի առաջացման պրոցեսն ավելի երկարատև է և իր ավարտին է հասնում բուրժուական հասարակության մեջ:

Դեռ 1912 թվին «Մարքսիզմը և ազգային հարցը» աշխատության մեջ ընկեր Ստալինը գրել է. «... Ազգը ոչ ուսայական և ոչ էլ ցեղային, այլ մարդկանց պատմականորեն կազմավորված ընդհանուրություն է»¹:

Այնուհետև քննարկելով ազգը բնորոշող հատկանիշները, ընկեր Ստալինը եզրակացնում է. «Ազգը մարդկանց պատմականուն կազմավորված կայուն բնդիանը բուրժուարյուն է, որ ծագել է լեզվի, տերիտորիայի, տնտեսական կյանքի և կուլտուրայի ընդհանրություն մեջ գրենվորված հոգեկան կերտվածքի ընդհանրության բազայի վրա»:²

1 Ի. Ստալին, Երկեր, հատ. 2, Երևան, 1947, էջ 342:

2 Նույն տեղ, էջ 346:

Բուրժուական գիտությունը մինչև Հոկտեմբերյան Սոցիալ-իստական Մեծ ռեվոլյուցիան մի շարք կոնկրետ գիտությունների (լեզվաբանության, հնագիտության, աղգագրության, մարդաբանության և այլն) բնագավառներում դեռ իշխող էր: Նա իր սոցիալական էությամբ հակադրվում էր մարդաբանության և նիզմին և չէր կարող չանտեսել հասարակության զարգացման վերաբերյալ մարդաբանության պատմա-մատերիալիստական ուսմունքը, որը մերժում է ամեն մի հնատանինաց ու ռեակցիոն տեսությունն, դրանց թվում և միգրացիոն տեսությունը:

Մինչուելուցին շրջանի մարզսիստ պատմաբաններն էլ իրենց ամբողջ գործունեությունը նվիրել էին աշխարհի ռեվոլուցիոն վերափոխության մեծ գործին, իսկ պատմական կոնկրետ առարկաների՝ հնագիտության, լեզվաբանության, աղդագրության և այլ գիտությունների ռեկուրզիվությունը մնում էր բախտավոր ապագային և կարող էր տեղի ունենալ առաջավոր գիտնականների մարքսիստական ուսմունքով վերագինվելու և նոր մարքս-լենինյան գիտական կադրերի առաջացման շնորհիվ:

Ահա այս բախտավոր ապագան իրականություն դարձավ Հոկտեմբերյան Սոցիալիստական Մեծ ռեվոլուցիայի հաղթանակով, որով զիտնականների առջև վճռականորեն հարց դրվեց՝ կողմնորոշվել գեալի ռեվոլուցիան և ընդունել մարքսիստական տեսական և պատմագիրի լուսուժայական աշխարհայցքը հանդիսացող դիալեկտիկական և պատմական մտաերթալիդը:

Միզրացիոն տեսության մերժումն էլ կարող էլ տեղի ունենալ և տեղի ունեցավ պատմության մատերիալիստական լմբըռնման հիման վրա:

Գիտնականներից շատերը գեռ նախառելուցիոն շրջանում, շնորհիվ իրենց առաջավոր հայտցների և ուսումնասիրվող նյութի հարստության, զգացին բուրդուական գիտության, մանավանդ հնդկապարանության դասակարգային սահմանափակվածությունն ու սեակցիոն լինելը և աստիճանաբար տղատագրվելով նրա ազգեցությունից՝ անցան գեպի մարքսիզմը։ Նրանք սովետական շրջանում, վերապինկելով մարքսիստական պատմամատերիալիստական աշխարհանակությամբ, միանգամայն ոկզունքային գիրքերից հակագրվեցին բուրժուական պատմագիտությանը, մերժեցին Հոկտեմբերյան Սոցիալիստական Միջնորդության և մեթոդը։

յիայից հետո կոնկրետ գիտությունների շատ բնագավառներ ու վոլուցիոն վերափոխման կարիք ունեին:

Լեզվաբանության, հնագիտության բնագավառներում այդպիսի ուսուլուցիոնների գիրով հանդես եկավ Ն. Յա. Մառը: Նա գիո նախառուղուցիոն շրջանում առանձին հարցերում հակադրվեց հնդկուական գիտնականներին, իսկ 1920-ական թ. թ. ուժեղ է վոլուցիա կատարելով դեպի մարքսիզմը՝ 1926—1928 թ. թ. լեզվի նոր ուսմունքի մշակմամբ վերջնականացես մերժեց բուբուական լեզվագիտությունը և անցավ մարքսիստ-գիտնականների բանակը:

Մառը հանդիսացավ միզրացիոն տեսության առաջին քննադատը և մերժողը՝ լեզվաբանության և հնագիտության բնագավառում:

Դեռ 1922 թ. լույս տեսած «Талишы» աշխատության մեջ Մառը, հակառակ հնդկուակարանների, խոսից կուլտուրաների ոչ թե բերովի լինելու, այլ ահեղական ծագում ունենալու մասին, իսկ 1923 թ. «Яфетический Кавказ и третий этнический элемент в создании средиземноморской культуры» աշխատության գերմաններին թարգմանության առաջաբանում նա վճռականացես հրաժարվեց հարեթական ցեղերի միզրացիայի տեսակետից: Մառը գրում էր. «Հարեթական ցեղերի կովկասից գեղիքի արևմուտք, կամ հակառակը՝ Խովանիայից Կովկաս և կամ այդ երկու շրջանները Պամիրից գաղթելու վերաբերյալ միտքն այժմ վերաբրուկային է հանդիսանում»: Հետագա տարիներում Մառն ամենայն վճռականությամբ մերժեց միզրացիոն տեսությունը: Նրա աշակերտներն էլ (օրինակ ակադ. Ի. Ի. Մեշչանինովը) հանդիս եկան միզրացիոն տեսության սկզբունքային քննադատությամբ:

Սովորական գիտությունը մերժեց միզրացիոն տեսությունը որպես իդեալիստական, մետաֆիզիկ, ուսույական պատմագիտական կոնցեպցիա:

Սակայն սովետական գիտությունը ամենաքին չի ժխտում միզրացիաների պատմական փաստերը և նրանց նշանակությունը: Միզրացիան՝ պատմական իրողության և հաստաբակության ու նրա կուլտուրայի զարգացման և փոխակերպությունների մի մոմենտ է հանդիսանում, որի իրական նշանակությունն էլ բացահայտվում է սովետական գիտության կողմից: Պատմականութիւն իրոք տեղի ունեցած գաղթերի ժամանակ խոչածնելում են

տարբեր ցեղերը, էթնիկ խմբերը կամ տարբերը, որակապես իրարից տարբեր կուլտուրաները։ Սրանք գաղթի ժամանակ էլ ենթակա են զարգացման փոխակերպությունների, իսկ խաչաձևամբ սինթեզվելով՝ կարող են առաջացնել նոր ժողովուրդ, սոցիալական հարաբերությունների նոր էպոխա, նոր լեզու և կուլտուրա, կամ կարող են տնտեսական, սոցիալական, էթնիկ և կուլտուրական այլեւայլ փոփոխությունների պատճառ հանդիսանալը Ուրեմն միգրացիան հասարակության պատճական զարգացման և փոխակերպությունների մեջ նշանակություն ունի որպես պատճական իրողության մի մոմենտ, որը առանձին կոնկրետ դեպքերում առաջացնում է խաչաձևություններ, որոնք կարող են հասարակական երկույթների փոխակերպությունների կամ նոր սինթեզի պատճառ հանդիսանալը։

Կարև Մարգար Խոսելով նվաճումների ժամանակ արտադրության եղանակի մեջ տեղի ունեցող փոփոխությունների և խաչաձևությունների մասին, նշել է, թե՝

«Բոլոր նվաճումների ժամանակ երեք տեսակ ելք է հնարավոր։ Նվաճող ժողովուրդը նվաճվածների վկին փաթաթում է արտադրության այն եղանակը, որ հատուկ է իրեն (օրինակ՝ անգլիացիներն իրանգիայում այս դարում, մասամբ Հնդկաստանում), կամ՝ նվաճող ժողովուրդը թողնում է, որ հինը մնա, և բավականանում է տուրքով (օրինակ՝ թուրքերն ու հոգհայցիները), կամ՝ տեղի է ունենում փոխազդեցություն, որի միջոցով առաջանում է մի նորը, իբրև սինթեզ (մասամբ զերմանական նվաճումների ժամանակ)»¹.

Սովետական գիտությունը մերժում է հնդկերոպական գիտության ոչ միայն մեթոդոգիան, այլև մեթոդը։ Խոսքը վերաբերում է համեմատական մեթոդին, որը գարձավ բուրժուական լեզվարանների, հնագիտների ու կուլտուրայի պատճառանների գիտական ուսումնասիրության գլխավոր, եթե ոչ միակ միջոցը, և որը անտեսելով հոգեոր ու նյութական կուլտուրանների, լեզվի զարգացման ու որակական փոխակերպությունների պրոցեսը, սոսկ ձևական տիպաբանական համեմատություններով զասգասում էր լեզուներն ու կուլտուրաններն ըստ ընտանիքների և «կուլտուրական շրջանների»։ Զուտ արտաքին ձևական հմանությունների հիման վրա կատարվող համեմատությունը և զասա-

¹ Կարև Մարտին, Թաղաքատնախության քննադատության շուրջը, Երևան, 1948, էջ 251.

կարգումը զարգացման պատմական պրոցեսի անտեսումն էր նշանակում, այդ պրոցեսի խորը և բազմակողմանի անալիզի մերժումը:

Սակայն զարգացման պրոցեսի և նրա բազմակողմանի ու խորագինին անալիզի ընդունմամբ համեմատական մեթոդը որպես գիտական ուսումնասիրության մի միջոց գենը չի նետվում:

Ինչպես միզրացիոն տեսության մերժմամբ չեն ժխտվում միզրացիայի պատմական փաստերը և նրանց նշանակությունը, նույնպես և համեմատական փորմալ տիպոլոգիական մեթոդի մերժումով չի ժխտվում համեմատական մեթոդի, որպես ուսումնասիրության բազմաթիվ եղանակներից մեկի, բայց ոչ գլխավոր եղանակի, գերն ու նշանակությունը: Փոխվում է սկզբունքը՝ Հարցը գրվում է պատմամատերիալիստական հիմքերի վրա:

II

Բուրժուական գիտությունը ժողովուրդների առաջացումն էր բացատրում է նախացեղի ճյուղավորմամբ և միզրացիայով: Միայն նախայայրենիքում ապրող ժողովրդին է վերապահվում տեղաբնակ լինելու իրավունքը: Վիլկեն, օրինակ, գերմանացիներին էր համարում սկզբից, եթե իրենց երկրում բնակվող ժողովուրդը Որոշ գիտնականներ ֆրանսիացիներին էլ չէին մերժում այդպիսի բացառություն կազմել: Շատ ու շատ ժողովուրդներ ուրիշ տեղից (նախահայրենիքից կամ նրա շրջակայքից) իրենց ժողովական հայրենիքը գաղթած համարվեցին:

Եվրոպական գիտնականները նույն միզրացիոն տեսությամբ քացարեցին նաև հայ ժողովրդի կազմավորումը: Դեռ նոր էր առաջանում հնդերոպական լեզվաբանությունը, երբ 1837 թ. Բեռլինի համալսարանի պրոֆեսոր Պետերմանը և, համարյա, միաժամանակ՝ Վինդիշմանը ձևական-համեմատական մեթոդով կատարած ուսումնասիրության հիման վրա հայերենը համարեցին հնդերոպական լեզու: Անմիջապես գիտնականները սկսեցին որոնել հայերենի և հայերի ավելի մերձավոր ազգակցական կապերը: Փոշեն, Մյուլերը, մանավանդ, դը Լագարդը այն կարծիքը հայտնեցին, թե հայերենը հնդերոպական լեզվաբնտանիքին վերաբերվող իրանական լեզուների ճյուղին է պատկանում: Հայերենը և հայ կուլտուրան իրանականից ածանցված համարվեց:

Այս պանիրանական իգեռողիան իր հետևողիներն ունեցավ և հայ գիտնականների թվում (Գ. Խալաթյանց) և իրեն զգացնել է տալիս մինչև օրս էր:

Անցյալ դարի վերջին քառորդում գերմանական գիտնական շյուբշմանը այն միտքը հայտնեց, թե հայերնը իրանական լեզուների ճյուղին չի պատկանում, այլ հնդերոպական լեզուների մի առանձին ճյուղ է կազմում, ազգակից փոյտվերներին և ավելի մոտ է լիտվական, սլավոնական լեզուներին, քան պարսկերենին: Իրանական բառամթերքը և քերականական ձևերը հայերենում ուշ ժամանակի փոխառություններ են: Այս տեսակետը ավելի մշտկեցին և խորացրեցին ֆրանսիական լեզվաբան Մեյեն, նրա աշակերտ Աճառյանը և ուրիշները: Թեև պետք է նկատել, որ Մեյեն լուրջ վերապահություններ էր անում հայերինի հնդերոպական լեզու լինելու, ինչպես և փոյտվերների հետ ազգակցություն ունենալու վերաբերյալ:

Երբ հայերնը համարվեց հնդերոպական լեզու, հայերին էլ բնականաբար սկսեցին դադթեցնել հնդերոպական նախացեղի նախադասյրենիքց, կամ նրա շրջակայրից, Արմենների գաղթը կազմեց թրակիական ցեղերի Փոքը Ասիա գաղթելու հետ (Եղ. Մայեր, Կրեչմեր, Դոլենս և Խաչ, Լիո, Կ. Կոստանյան և ուրիշները):

Հայերին Թրակիայից Փոյտվեց, այնտեղից էլ Հայաստանը երեխու տեսությունը բացի հնդերոպարանության լնդանուը կոնցեպցիայից բխելը, հինգում է նաև նույն պատմիչների որոշ տեղեկությունների վրա: Սակայն գերմանական հայագետ Մարկովարտը լավ էր զգում, թե որքան հեղեղուկ են այդ փաստարկները և 1919 թ. «Հայ ազգի ծագումը և վերականգնումը»¹ աշշ խատությամբ փորձեց հայերի միզրացիային «պիտական» կերպարանը տալ նաև լիզվաբանական և այլ հնչյունական նմանությունների հիման վրա: Նույն հարցին Մարկովարտը վերադարձավ նաև 1930 թ. «Հայրավայրին Հայաստանը և Տիգրիսի ակունքները»² աշխատության մեջ:

Կրեչմերը դանում է, թե արմենները գաղթելով Հայաստան, իրենց մեջ են լուծել ոչ միայն խալերին, այլև Հայկական կեռ-

¹ Markward J., Die Entstehung und Wiederherstellung der armenischen Nation, Potsdam, 1919.

² Խույնի «Südarmenien und die Tigrisquellen nach griechischen und arabischen Geographen», Wien, 1930.

Նաւշխարհի նախառարարական ցեղերին, որոնց թվում և հայաստակողությունը ցեղին, որից և ժառանգել են իրենց հայ անունը:

Մարգարարտի և Կրեչմերի կարծիքները հայ ժողովրդի ծագման վերաբերյալ հնդեվրոպական գիտության վերջին խոսքն էին: Հայերը եկմոր հնդեվրոպական ժողովուրդ են: Այստեղ ամեն ինչ բացատրվում է դյուրին և պարզեցրած ձևով, միայն թե հայ ժողովրդի առաջացման հարցից զուրս են նետվում հասարակության զարգացման պրոցեսը, նրա օրինաչափությունները, այլ իսուքով՝ ինքը կյանքը և պատմությունը:

Ռուսական հայագիտությունը հայերին և հայերի առաջացման և զարգացման հարցում ինքնուրույն ուղիով է ընթացել:

Ռուսաստանում հայագիտությունը թեև ուշ սկսեց զարգանալ, բայց շատով առաջացավ մի նշանավոր առաջադեմ ուղղություն, որի գլուխ կանգնած էր ակադ. Մառլի: Այս ուղղությունն էլ սովետական շրջանում հակայական գործ կատարեց հայագիտության, կովկասագիտության և, շնորհիվ իր գիտական լայն ընդգրկման, նաև ընդհանուր լեզվագիտության, հնագիտության և ազգագրության հին բուրժուական դիրքերից՝ մարգսիստական դիրքերի վրա փոխադրելու հարցում:

Թեու 1880 թ. թ. սկիզբներին Պետերբուրգի համալսարանի պրոֆեսոր Քերովը Պատկանյանը այն հնթագրությունն արեց, թե հայ ժողովուրդը միատարր չէ և նրան արվող հայ և արմեն անունները այդ ժողովրդի մեջ ձուլված երկու տարրերն են նշանավորում: Իսկ Պատկանյանի աշակերտ ալագա սովետական մեծ գիտնական Մառլի դեռ 1903 թ. հակադրվելով հայերներ հնդեվրոպական առանձին լեզվաճյուղ կազմելու վերաբերյալ գովածատիկ տեսակետին, զրում էր. «Մի բան պարզ երևում է, [հայերներ] խառը լեզվի բնորոշ օրինակ է»: Ապա Մառլի նախազգուշացնելով, թե «խոսքը, ինարկե, ակնհայտորեն փոխառյալ բառերի հարուստ խառնուրդին չի վերաբերում», պնդում էր. «Ես նկատի ունեմ իրական հայ լեզվի կորիզը, որն առաջացել է պատմական Հայաստանի հողի վրա (ընդգծումը մերն է, թ. Ա.): Ինքը կորիզն է երկսեռ»: Դրանով խախտվում էր հնդեվրոպաբանների դոգմատիկ մոտեցումը, և հայ լեզվի ու հայ ժողովրդի առաջացումը դրվում էր պատմական Հայաստանի հողի վրա և նրա հասարակական զարգացման էթնիկ ու կուլտուրական միջա-

վայրի մեջ, որով հեռանկարներ էին բացվում հետագա ուսումնասիրությունների համար:

Մառը հետազայում փաստական մեծ նյութի հիման վրա հերքեց այն տեսությունը, թե «հայերենը հնդելրոպական է, բայց ազգված որոշ լեզուներից» և պնդեց, թե հայերենը «հնդելրոպական է և հարեթական»: Հայ ժողովուրդն էլ կազմված համարվեց երկու տարրերից՝ եկվոր արմեններից և տեղական հարեթական ցեղերից: Սակայն պետք է նկատել, որ Մառն այս ամենը ասում էր այն ժամանակ, երբ դեռ կանգնած էր մնում հնդելրոպական լեզվագիտության դիրքերի վրա, միայն թե տուաջարկում էր ճանաչել ևս մի լեզվախումբ՝ հարեթականը և նրա տարածումը երկրի վրա և որ հարեթականն ու հնդելրոպականը կարող են խաչաձեվել և պատճական ունալ հողի վրա առաջացնել նոր որակ հանդիսացող խառը տիպի լեզու և խառը տիպի ժողովուրդ, որպիսիք Մառը համարում էր հայերենը և հայերին:

Ավելի ուշ Մառը հակազրվեց բուրժուական ռեալլզիոն հնդելրոպարանությանը ամբողջությամբ վերցրած և խարխելով նրա իդեոլոգիական մեթոդոլոգիական հիմքերը, քննադատության ենթարկեց (սկսած 1922 թ.) և մերժեց նաև միգրացիոն տեսությունը:

Իրենք հնդելրոպական լեզուները Մառի կարծիքով սասայութեան տարրեր և միգրացիայով տարածվող լեզուներ չեն, այլ լեզվի զարգացման հաւառվածանի ծնունդն են հանդիսանում:

«Լեզուների հնդելրոպական ընտանիքը, տիպաբանական իմաստով, նաև ըստ նյութի՝ նոր անտեսական-հասարակական պայմանների ստեղծագործություն է հանդիսանում, իսկ գերազարուկային ձևով, նաև ըստ բազմաթիվ կառուցվածքային մասերի — դա միջերկրածովյան շրջանի իրենց տեղական կամ հարեթական լեզուների հետազա վիճակն է, նրանց զարգացման որոշ ստադիոյում, մի խոսքով ըստ կառուցվածքի — դա նոր ֆորմացիա է»¹:

Այս ստադիալ մոտեցման դիրքերից գիտելով «այնպիսի

¹ H. Я. Marr. Яфетическая теория, Баку, 1928 г., стр. 9.

ակնհայտ հիբրիդները, ինչպես, օրինակ, Հայաստանի լեզուները¹, մասսմբ և ալրանական լեզուն ոչ քե հնեկվրոպական լեզուների՝ եարեթականների ենու խաչաձևման մարմնացումն են, այլ մաքուր հարեթական և կտարյալ հնդեվրոպական լեզուների միջև՝ միջանկյալ էտապի անցողիկ վիճակն են ներկայացնում, դրանք հարեթական ընտանիքի նախապատմական վիճակից հեռացած և լիովին հնդեվրոպականության չհասած լեզուներ են»²:

Այդպիսով Մառը 1928 թ. հայերենի հնդեվրոպական շերտը դիտում էր որպես հետեանք նորին տեղական հայերեն լեզվի զարգացման նոր ստաղիայի: Մառը մերժեց հնդեվրոպական և հարեթական լեզուների խաչաձեռմը հայերեն լեզվի առաջացման հարցում, զրանով իսկ Մառը վերանայելով մերժեց իր նախկին տեսակետը հայ ժողովրդի տեղական և եկվոր էլեմենտների խաչաձեռմից առաջացած լինելու մասին:

Մառը քննադատում է տարբեր ռասաների, ժողովուրդների հակագրությունը մեկը մյուսին և հերքում է այն տեսակետը, որով «լեզվի նոր տիպերի առաջացման հարցի ամբողջ ծանոթությունը զրվում էր միջրացիայի վրա, իրենց ծագումով նոր ժողովուրդների երեալու և եկվոր ցեղերի լեզվի՝ տեղաբնակ հարեթական ցեղերի լեզուների հետ խառնվելու վրա»:

«Միջրացիաները և նրանց հետ կապված խաչավորությունը բոլոր արտաքին գործոնները են»³, — գրում է Մառը:

Մառի աշակերտներից ի. Մեշչանինովը շուտով առիթունեցավ քննադատելու հայ ժողովրդի կազմավորման միջրացիոն տեսության վերջին խոսքը, որը գալիս էր բուրժուական արևմտատիքից: 1930 թ. Մարկվարտը լույս էր ընծայել «Հարավային Հայաստանը և Տիգրիսի ակունքները» աշխատությունը, որտեղ կըրկնում էր իր կողմից 11 տարի առաջ արտահայտված տեսակետը հայ ժողովրդի Բալկաններից եկած լինելու վերաբերյալ:

1931 թ. քննադատելով Մարկվարտին Մեշչանինովը գրել է. «Իր զուտ ձևական համագրություններով Մարկվարտը մի ամբողջ տեսություն է կառուցում հայերի միջրացիայի վերաբեր-

¹ Մառը երկու հայերեն լեզու էր ընդունում՝ ֆեոդալակտն զբարարը և թշ հոգնակի մասնիկով և ժողովրդական խոսակցական լեզուն՝ «Բայ հոգնակի մասնիկով»:

² H. Я. Marr, Яфетическая теория, стр. 9. (ընդգծումը մերն է. Բ. Ա.):

³ Նույն տեղ, էջ 8—9

յար Նըանց [հայերի] անվան հնչյունական նմանությունների հիման վրա առաջ է քաշվում նրանց գաղթի սխեման և, նույնիսկ, անց է կացվում շարժման ուղին: Այս երերուն հողի վրա էլ հանգչում է գաղթերի ահսությունը: Հայագետ Մարկվարտը նրա մոլի կողմանակիցն է: Եվ այնքան է տարված նրանով, որ միտք անգամ թույլ չի տալիս՝ տեղում կատարվող (ավոխտօն) ձեափոխությունների մասին, որոնք տվել են այն, ինչ անվանվում է Անդրկողվկասի պատմության հայկական շրջան: Ուսումնասիրության հիմքում կանխակալ կերպով ընդունված անփափոխելիությունը հարկադրում է նույնիսկ այդպիսի «լայն մտքի» տերգերմանական գիտնականին հրաժարվել ուսումնասիրվող հարցի իրոք լայն դրվաճքից և կենտրոնանալ Փոքր Ասիայում կամ Եվրոպայի հարավում հայերի նախանայրենիքը որոնելու վրա, ուր նրանք, իբրև թե, վերջնականապես կազմավորվել են և որտեղից նրանք իբրենց պատրաստի ձևերը փոխադրել են Կովկասյան երկու զետերի ավազանը: Հաստատուն որոնումներ են»¹, — տեղին իրոնիայով ասում է Մեշչանինովը:

Հայ ժողովրդի առաջացման միգրացիոն տևությունը 1932 թ. քննադատել է նաև Ա. Ղարիբյանը:

Պատահական չէ, որ հայերի՝ հնդիկուպական ժողովուրդների խմբին պատկանելու և նրանց՝ հարավային Եվրոպայից (Բալկաններից) Հայաստան «իրենց նոր հայրենիքը» գաղթելու տեսությունը մշակվեց սեակցիոն արևմուտքի, մանավանդ իմպերիալիստական Գերմանիայի գիտնականների կողմից: Այ տեսություն, որը կառված էր Մերձավոր Արևելքում Գերմանիայի զավթողական հաշիվների հետ նույնչափ պատահական չէ, որ այդ տեսությունը որգերվեց հայ ժողովրդի պատմական բախտը արևմուտքի իմպերիալիստական գիշտիչների հետ կապող հայ խոշոր բուրժուազիայի և նրա զաշնակցական պարտիայի գաղափարախոսությամբ ներշնչվոծ պատմաբանների կողմից: Մանավանդ այդ տեսությունը շոյում էր հայկական բուրժուազիայի և աղքայանական ինտելիցիանցիայի աղքային ինքնասիրությունը:

Եղան և գիտնականներ, որոնք անզիտակցարար ենթարկվեցին աղքայնական մտայնությանը և կամ անքննադատութեն ընթացան «լուսավոր» Եվրոպայի գիտնականների հետքերով:

¹Տես Сообщение ГАИМК, 1931, № 9/10, стр. 35.

Սովետական գիտությունը մերժելով հնդեվրոպական լեզվաբանության և պատմագիտության գաղափարախոսությունը, նրա հետ միասին և ամեն ինչ դյուրքին, բայց գոենիկ ձևով բացարկող միզրացիոն տեսությունը, մերժել է այն նաև հայ ժողովրդի առաջացման հարցում:

Սակայն վերջնականապես հաղթահարված են արդյոք հընդեվրոպաբանությունը և նրա միզրացիոն տեսությունը մեզ մոտ, Սովետական Հայուստանում և այս հարցերում Սովետական Հայաստանի բոլոր գիտնականներն են համագոյն ընթանում Միության առաջավոր գիտնականների հետ Դժբախտաբար փաստերը իրավունք չեն տալիս այդ բանը պնդելու Հնդեվրոպական լեզվաբանությունը և նրա հիմքի վրա ստեղծված հայագիտությունը մեզ մոտ գեռ առանձին հարցերում որոշ գիտնականների մոտ իրեն զգացնել է տալիս:

Անհրաժեշտ է վերջնականապես հաղթահարել հնդերոպաբանությունը, խորապես գիտակցելով, որ հնդերոպաբանությունից կառչած մնալը հետազիմություն է, և որ հայագետի առաջադեմ լինելը որոշվում է նրանով, թե որ չափով է կարողացել տիրապետելով մարդս-լենինյան մեթոդովիային, այլև ուսումնասիրելիք բնագավառի նյութի ամբողջությունը, համանել սովետական գիտության բարձր մակարդակին և այդ մակարդակով գիտահետազոտական ստեղծագործ աշխատանք կատարելու ու առաջնորդելու սովետական գիտությունը, համարձակ նայելով գեղի առաջ:

Սակայն դառնանք փաստերին:

1931 թ. Հայկական Պետական Հրատարակչությունը լույս է ընծայել պրոֆ. Խ. Սամուելյանի (այժմ հանգուցյալ) «Հին Հայաստանի կուլտուրան» աշխատության առաջին հատորը, որի մեջ հայերը ներկայացված են, ինչպես Մարկվարտի մոտ, որպես արդեն պատրաստի ժողովուրդ, որը զաղթելով Թբիլիսյաց (Բալկանյան թերակղղում), եկել են Փոքր Ասիա, այնտեղից Փոքր Հայք, այստեղից էլ շատրունակելով իրենց նվաճողական առաջնաշացումը՝ հայերը հետզին տարածվում են Մուշի կամ Տարոնի լաշտում ու Վանյան երկրում, այնուհետև բարձրանում Եփրատն ի վեր և մոտավորապես 5-րդ դարի սկզբներին հասնում են Արաքսի հովտին, տիրում են Արարատյան զաշտին: Այստեղ նրանք ամբողջովին իրենց ազգեցությանն են ենթարկում այն բոլոր խալդական մնացորդները, որոնք իրենց հայրե-

նակիցների մյուս մասի հետ չէին քաշվել հայերի նվաճողական ընթացքից գեպի հյուսիս՝ Կովկասյան լեռները և գեպի հարավ»:
(Էջ 93):

Ամեն ինչ պարզ է ու հասարակ. հայերը պատրաստի ժողովուրդ էին, Եփրովայից եկան, միասնամակ էլապրեցին Փոքք Ասիայում, ապա նվաճեցին Հայաստանը, տեղի բնակչության այն մասն էլ, որը չկարողացավ խույս տալ նվաճողներից, ենթարկվեց նրանց և ամեն ինչ վերջացավ: Ել ինչու գլուխ ջարդել հայերի կազմավորման բարդագույն պրոցեսը լուսաբանելու համար:

Հայ ժողովրդի առաջացման միզրացիոն տեսության քըննագաղաւությունը գեռ 1932 թ. հանդես գալով Ա. Ղարիբյանը իրավացի կերպով այդ հարցը կապեց հնդկառպական լեզվաբանության հիմքերի քննադատության հետ:

«Ներածություն հայոց լեզվի պատմության» 1932 թ. լույս տեսած իր աշխատության մեջ Ղարիբյանը քննելով հայ ժողովրդի առաջացման հարցը, եզրակացնում է. «Այսպիսով հայերը և ոչ մի տեղից չեն եկել և ոչ մի հղոր ռասայի ճյուղ չեն կազմում, այլ տեղական տոհմական կեցությամբ ապրող հասարակությունների փոխազարձ ներձումման, սոցիալ-քաղաքական և տնտեսական ներթափառնցման և արտադրողական ուժերի զարգացման հետեւանքով առաջ եկած նոր էթնիկական գոյացում են, նախնական ֆեոդալական հասարակության գոյացման հիման վրա»¹:

1937 թ. վերադառնալով նույն հարցի քննարկմանը ընկ. Ղարիբյանը զրում է, ոշատ և շատ տոհմեր, առնվազն երկու հարյուրի սահմաններում, միանալով՝ ֆեոդալական հասարակության կազմություն և այդ պրոցեսի ավարտման հիման վրա՝ գոյացրել են հայկական էթնոսը: Այդ տոհմերի զեկավար խմբերը գարձել են հայ էթնոսի ֆեոդալներ, տերեր, տանուտերեր (հայ տոհմական նախարարներ), իսկ ստորագոս՝ հողին կպած մասը գարձել է, լեզվաբանորեն ասած, բարբառախոս ժողովուրդ, որ գործել է ճորտ գյուղացինք:² Նշելով, որ ընկ. Ղարիբյանը սկզբանքունքային ճիշտ գիրքերից է քննադատում հնդկառպական լեզ-

¹ Ա. Ղարիբյան, Ներածություն հայոց լեզվի պատմության, Ելեման, 1932, էջ 66:

² Նույնի, Հայոց լեզվի պատմության ուսութեասիրության ներածություն, Երևան, 1937, էջ 68-69:

վարանությունը և հայ ժողովրդի առաջացման միզրացիոն տեսությունը, միաժամանակ չենք կարող համաձայնել նրա հետ՝ 200-ից ավելի տոհմերի համաձուլումից, ֆեռոդալական հասարակության գոյացման պրոցեսի տվարտի հիման վրա հայ էթնոսի կազմակորման և գյուղացիության ճորտացման հարցում, Կողք-կողքի ազգող 200 տոհմերից ժողովուրդ չի կարող գոյանալ Մինչեւ ժողովրդի գոյացումը տեղի է ունենում տոհմերի միավորումը ցեղերի մեջ, տոհմական հասարակության քայլայումը առաջ է գնում այն աստիճան, որ աշխատանքի հասարակական բաժանման, արտադրողական ուժերի զարգացման հիման վրա քայլայուղուց և ցեղերից առաջ է գալիս ցեղային խմբակցությունը, սկզբնավորվում է գոյլքային տարբերությունը, մասնավոր սեփականությունը և նրա հիման վրա կազմված նահապետական ընտանիքներից բաղկացած գյուղական համայնքն է բրնում տոհմի տեղը։ Դա տոհմական հասարակության քայլայման վերջին շրջանն է, տոհմացեղային ավելի փոքր խմբակցությունները միավորվում են ուղմացեղային միությունների մեջ, որոնցից և բաղկանում է կազմավորվող ժողովրդի կորիզը։ Ենդաշին միությունների զարգացման հաջորդ քայլը տանում է դեպի ժողովրդի կազմավորումը։ Զի կարելի համաձայնելընկ. Ղարիբյանի հետ, երբ նա տոհմական հասարակությունից անմիջապես բիեցնում է ֆեռդալական հասարակությունը, հայ ժողովրդի առաջացումն էլ (7—2-րդ դ.դ.) կապում է ֆեռդալիզացիայի պրոցեսի ավարտի հետ և գյուղացուն վերաբրում է ճորտացած վիճակը, մի բան, որը տեղի է ունեցել շատ դարեր հետո։¹

1941 թ. Երևանի Գետական համալսարանի հրատարակությամբ լույս է տեսել պրոֆեսոր Հ. Աճառյանի «Հայոց լեզվի պատմություն» աշխատության առաջին մասը, որը խիստ արժեքավոր նյութեր է պարունակում հայ լեզվի Փակտուրայի, հնդերոպական արմատների և զանազան ժողովուրդների լեզուների՝ հայերենի վրա թողած աղդեցությունների, կամ այլ խոսքով՝ հայերենի փոխառյալ բառամթերքի վերաբերյալ։

Սակայն հեղինակը լինելով հնդերոպական լեզվաբանության հետևողդ, մազաչափ անդամ չի շեզվում նախացեղի, նա-

¹ Տե՛ս նաև պրոֆ. Ա. Ղարիբյանի «Սովհատական հայոգիտության հիմունքները», Հայկական ՍՍՌ Գիտությունների Ակադեմիայի «Տեղեկագիր», Հասարակական գիտություններ, 1948 թ., № 1, էջ 15—39։

խալեզվի, նախահայրենիքի և՝ այնտեղից պատրաստի ժողովրդի և լեզվի անփոփոխ ձևերի միգրացիայի՝ կանոնի վերածված տեսությունից: Հայ ժողովուրդն էլ բերվում է հնդկոպական լեզուների կարծեցյալ բուն նախահայրենիքից, այսինքն Լիտվայից — Կենտրոնական Եվրոպայից՝ Ռուսինիայի, Բալկանների վրայով Փոքր Ասիա, տպա Հայաստան:

Այդ գրքին կցված առաջարանում նրա հեղինակ դոցենտ Գ. Սեփակը նշելով հանդերձ պրոֆ. Աճառյանի մեթոդոլոգիայի և մեթոդի սխալականությունը, սակայն չի տվել նրանց քիչ թե շատ ընդարձակ քննադատությունը:

Պրոֆ. Աճառյանի աշխատության ավելի սկզբունքային ուժանըակցիոն քննադատությունը գտնում ենք պրոֆ. Գ. Ղափանցյանի՝ նույն 1941 թ. «Սովետական Գրականություն» ամսագրի № 1-ում զետեղված «Հայերենի և հայերի գոյացման շուրջը» հոդվածում, սակայն այստեղ հեղինակը միաժամանակ վերին աստիճանի զուսպ է և քննադատությունը իդեոլոգիական անհրաժեշտ կոնֆլիկտի չի հասցնում:

Հայ ժողովրդի պատմության ձեռնարկում, որը լույս է ընծայել ՍՍՌՄ Գրտությունների Ակադեմիայի Հայկական ֆիլիալի Գատմության ինստիտուտը 1943թ., հայ ժողովրդի կազմակորման միգրացիոն տեսությունը որոշ այլափոխություն է կրել: Այստեղ ասվում է, թե «ՎII դ. մի կողմից՝ կիմերների, սկյութների, իսկ մյուս կողմից՝ ասորեստանցիների ու մեղացիների (մարերի) անդադար տրամադրների ու պատերազմների և գրանց հետեւվանքով երկրում առաջացած տակնությունների ու ժողովուրդների տեղաշարժությունների ու նոր պետական կազմակորմանների ժամանակ հանդես են գալիս արմենները. նրանք VII դարում տարածվում են Փոքր Ասիայի արևելյան մասում, որը հետագայում հայ պատմագրության մեջ Փոքր Հայք կոչվեց: VII դարի վերջերին VII դարի սկզբներին արմենները շարժվելով դեպի արևելք, հաստատվում են Հայկական բարձրավանդակում: Այդ երկիրը, ուր հաստատվեցին արմենները, նրանց անունով էլ Արմենիա կոչվեց:

Բայց այս անդամ «խալդայինները» խույս չէին տվել նվաճողների առջև, այլ արմենները և «խալդայինները» «անընդհատ պատերազմներ էին մզում իրար դիմ», բայց կյուրոսի միջամբ տությամբ խաղաղություն է հաստատվում նրանց միջև և այդ հաշտությունը հնարավորություն էր տալիս արմեններին խաղաղ

դրացիական հարաբերություններ ունենալ խալդայինների հետ և աստիճանաբար թափանցել նրանց երկրի խորքերը, մի հանգամանք, որ նպաստում էր այստեղ հաստատվող արմենների և խալդայինների տերթառիայում բնակվող ժյուս ցեղերի միտակելածունաւ։ (Տես ձեռնարկի 39—40 էջերը)։

Այստեղ էլ՝ ժողովրդի կազմավորման պատմությունը չկա։ Արմենները հանկարծ չգիտես ինչպես երեան են գալիս և շարժվելով Փոքր Ասիայի արևմուտքից (Փոյուգիայի անունը չի տըրաված) արեւելք, մանում են Հայաստան (ուրեմն տեղացի չէին, այլ եկվոր), հետո տեղի՝ է ունենում միաձուլում։ Գրքի այս մասի հեղինակն է նույն պրոֆ. Խ. Սամուելյանը, տեսությունն էլ նույն ներդադիր տեսությունն է, սակայն մյուս հեղինակները և խըմբագիրները կրծատել են հայերի գաղթի առասպելի առաջին մասը (Բալկաններից եկած լինելը) և ավելացրել են տեղացիների ոչ թե մի մասի, այլ ամբողջ մասսայի հետ միաձուլվելը։

1944 թվին Գիտությունների Ակադեմիայի Գրականության ինստիտուտը հրատարակեց հայ գրականության ականավոր ուսումնասիրող Մանուկ Աբեղյանի «Հայոց հին գրականության պատմություն» աշխատության առաջին հատորը։ Այդ աշխատության խոշոր արժեքը հանրահայտ է։ Սակայն առաջ քաշելով մեզ հիտաքրքրուող հարցը, հեղինակը կըկնում է Մարկվորտի և ուրիշների տեսակետը արմենների՝ Բալկաններից Փոյուգիա, այնտեղից էլ Հայաստան գալու վերաբերյալ իսկ տեղաբնակ «ալարացիններն» էլ «մատաիենների հետ (Ուրմիո լճի վրա) կազմելիս են եղել մի առանձին շրջան»։ (Տես էջ 8—9)։

Աբեղյանը միաժամանակ բերում է Մատի կարծիքը հայերեն լեզվի զարգացման հարեթական ստադիայից հնդերոպականին անցնելու վերաբերյալ։ Սակայն նրա կարծիքով հայերենը «մի խառնուրդ լեզու է»։ Այստեղ սինթեզի և զարգացման պրոցեսը չկա, հայերենը տարբեր լեզուների մեխանիկական խառնուրդ է դուրս գալիս»։

Եկվոր արմենների հետ են խառնվել և ձուլվել ուրիշ ժողովուրդներ նրանց գաղթի ճանապարհին և նոր հայրենիքում։ «... խառնուրդ է և հայ ցեղը, որ իր հետ ձուլել է ուրարտացիներին և ուրիշ շատ հարեւաններ։ Այսպես՝ Փոքր Ասիայում և Ուրարտական երկրում տեղի ունեցած խառնուրդներով կազմվել է հայ էթնոսը—հայ ժողովուրդը և իր լեզուն» (էջ 10)։

Ինստիտուտի կողմից հատորին կցված առաջարանում գո-

վասանքների կողքին բացակայում է նրանում տեղ գտած սկզբ-քունքային խոշոր սխաների ու թերությունների քննադատությունը, նույնիսկ չի էլ նշված նրանց առկայությունը, որպեսզի ընթեցողն ինքը կողմորոշվի¹:

Վերջապես 1945 թ. ակադ. Մանանդյանը Հայպետհրատի հրատարակությամբ լույս է ընծանել իր «Բննական տեսություննայ ժողովրդի պատմության» աշխատության առաջին հատորը, որի շարադրությունն սկսված է արմենների գաղթով և բուն տեքստի առաջին հինգ տողերից հետո կարգում ենք՝ «19-րդ դարում կատարված գիտական ուսումնասիրությունների ու մեծ գյուտերի շնորհիվ արգեն անվիճելի կերպով պարզաբանված է, որ այժմյան հայերի նախահայրերը հնդկոպական արմեններն են, որոնք Փոքր Ասիայից գաղթել են Հայաստան, հավանորեն, յօթերորդ դարում կամ վեցերորդ դարի սկզբներում ևեր թվականությունից առաջ» (էջ 7):

Մի այլ էջում կարգում ենք. «արդի արևելագետների ու հայագետների մեծագույն մասը ընդունում են, որ հայերի նախահայրեր արմենները թրակա-փոյուղիական ցեղերի հետ միասին գաղթել են Փոքր Ասիա Եվրոպայից Հելեսպոնտոսի վրայով» (էջ 12). Գաղթն էլ Եվրոպայից Փոքր Ասիա «ենթազրվում է մատափորապես 13-րդ դարի վերջերում կամ 12-րդ դարի սկզբներում մեր թվականությունից առաջ» (էջ 17):

Այսուհետեւ խոսելով Հայկական Լեռնաշխարհի տեղաբնակցեղախմբերի մասին՝ ակադ. Մանանդյանը եզրակացնում է. «Պարզվում է ըստ այսմ, որ հայ ժողովրդի կազմավորման ընթացքում եկվոր արմենների հետ միաձուլվել են ոչ միայն խալդերը, ինչպես սովորաբար ենթազրվել է, այլև Հայկական լեռնաշխարհի նախախալդյան հսագույն ցեղերը և, գլխավորապես, Հայասայի ոչ-հնդկոպական բնակիչները, որոնցից արմենները ժառանգել են իրենց ու իրենց երկրի հայ ու Հայաստան անունները» (էջ 33). Ապա «այժմյան հայերի նախահայրեն են ոչ միայն հնդկոպական արմենները, այլև խալդերը և Աւրարտայի տեղական այլ հնագույն ցեղերը» (էջ 34):

Այսպիսով հայ ժողովրդի առաջացման հարցում արմենների

¹ Աշխատության սուսերեն հրատարակության մեջ առաջաբանի այդ թերությունը մասամբ վերցված է: (Տե՛ս Ա. Աբեգյան-Իстория древнеармянской литературы, Ереван 1947 г., էջ XIII-XVI):

ներգաղթին (միզսացիա) վերադրվում է վճռակտն նշանակություն, Ոմանց մոտ արմենները պատրաստի ժողովուրդ են և նվաճում են Հայաստանը (Մարկվարտ, Էդ. Մեյեր, Սամուելյան, Աճառյան), ոմանք հայերին համարում են նկվորների և տեղաբնակական ժողովուրդների» մեխանիկական խառնուրդ (Արքյան), մյուսներն էլ ընդունում են եկվոր արմենների և տեղական էթնիկ էլեմենտների խաչաձեռւմն ու միաձուլումը (Կրեչմեր, «Հայ ժողովրդի պատմություն» ձեռնարկ, Հ. Մանանդյան):

Խաչաձեման վերաբերող տեսակետն ընդունելի կլիներ, եթե իրոք արմենների ներգաղթը իրական պատմական փաստ հանդիսաբ, և եթե հարցի ուսումնասիրությունն էլ կատարվեր պատմա-մատերիալիստական հիմունքներով և հիմնավոր փաստերով:

Սակայն արմենների միզսացիան լոկ առասպելների և ենթադրությունների վրա է կառուցված: Վկայակոչում են հույն պատմիչներին: Հերոդոտը (5. թղ դար մեր թվ. առաջ) ասում է, թե «Արմենները զինված էին փոյուգիացիների նման և փոյուգիացիների գաղութն էին», իսկ 4-րդ դարի (մ. թ. ա.) հեղինակ Եվգորսոսը, արդին, ասում է, թե «Արմենները ծագումով Փայուգիայից են և նրանց լեզվում շատ բան փոյուգիերենից է»: Ավելի ուշ 1-ին դարի (մ. թ. ա.) հեղինակ Դիոնիսոսիս Հալիկառնասցին արմեններին ու փոյուգիացիներին համալեզու է համարում: 1-ին դարի հեղինակ Ստրաբոնն էլ բերում է մի առասպեկտ, թե գեպի Կոլխիդա նավարկած արգոնավորդների գեկավար Յասոնին ընկերակցում էր Արմենիոսը, Թեսալիայի Բոյքեյիս լճից ոչ հեռու գտնվող Արմենիոն քաղաքից, թե սրա ուղեկիցները բնակվում են Ակիլիսինուում, Սեսպերիտիսում մինչև Կալաքեն և Աղիարեն, երկիրն էլ Արմենիա է անվանվել Արմենիոսի անունով: Իսկ մի այլ հեղինակ՝ (Անթիպատրը) Արմենիոսին մողոսցի է համարում:

Այս բոլոր վկայությունները զուրկ են պատմական հավաստի հիմքից և պատկանում են հին աշխարհում հորինված նման բազմաթիվ առասպելների թվին: Հույնները հորինել էին ոչ միայն փոյուգիացիների Բալկաններից գաղթած լինելու և հայերի նրանց հետ ունեցած ազգակցության, այլև պարսիկների և մեծացիների Բալկաններից գաղթած լինելու առասպելները:

Իրենք հնդեվրոպաբան գիտնականներն էլ (Մեյեն, Մարկվարտը) հիմնավոր չեն համարում հայերենի և փոյուգերենի

ազգակցությունը։ Հույն հեղինակներն անմիջական վկայություններ չեն բերում հայերի Բալկաններից գաղթած լինելով երաբերյալ (եթե չհաշվենք Ստրաբոնի պահպանած առասպելը արգոնավորդ Արմենիոսի մասին), և եվրոպական գիտնականները (Մարկվարտ) շտապում են հնագույն առասպելները «հաստատելու» 20-րդ դարում իրենց կողմից հօրինված առասդելով։

Հնդեվրոպաբան գիտնականներին հատուկ՝ դուռ ձևական, հնչյունային, նմանությունների պատահական օրինակներ որունելով, գանում են հայերի արձեն անունը հիշեցնող ցեղերի և տեղերի անունները՝ Հոմերոսի մոտ արփիներ, Թեսալիայում Արմենիոն քաղաք, այնունեակ Սինոպի մոտ էլ, Սև ծովի ափին, գանգում է Հորմոնիոն քաղաքը և Օրմենի սարը և այս ամենք խախուս հիման վրա գծվում է արմենների գաղթի ուղին։

Անա հայերենը հնդերոպական լեզու համարելու և միգրացիոն տեսության մեկնակետից ելնող, առասպելական հիմքի վրա կառուցված և գիտնականների (Մարկվարտ և ուրիշներ) կողմից հորինված առասպելով գիտականության աստիճանի բարձրացվեծ տեսակետն է, որ համարվում է անվիճելի ապացուցված Անգամ Հայկի և Յելի վերաբերյալ Մովսես Խորհնացու բիբած տեղեկությունները իրական պատմական անցքերի (Ասորեստանի և Ուրարտայի միջև պայտքարի) տուասպելական վերուշեր են հանդիսանում, իսկ հայերի Բալկաններից եկվոր լինելը առասպելաց առասպել է։

Հայ ժողովրդի առաջացման միջրացիոն տեսությունը միանգամայն զանց է առնում Հայկական Լեռնաշխարհի ընիկների հնագույն պատմությունը։ Ակադ. Մանանդյանն այդպես էլ վարկում է։ Բնդունելով, թե արմենները 7 կամ 6-րդ դ. դ. մ.թվ. տուաջ են եկել և գրավել Ուրարտայի երկրները, նա Հայաստանի ընիկների պատմությունը հայ ժողովրդի կազմավորմանը նախորդող շրջանում, նույնիսկ 7-րդ, 6-րդ և հետագա դարերում բոլորովին անտեսում է։ Իր հիշյալ աշխատության մեջ ակադ. Հ. Մանանդյանը մի քանի գլուխ նվիրելով արժենաների կարծեցյալ ներգաղթին, միտմամանակ ոչ մի էջ չի զրում բուն տեղական բնակչության հասարակական զարգացման և պետություն ու ժողովրդի կազմավորելու հարցերի մասին։

Սակայն պետք է նկատել, որ Հայաստանի տեղաբնակ ցեղերի հասարակական զարգացումն էր, որ պատմական որոշ ժամանակաշրջանում հանդից հայ ժողովրդի կազմավորմանը, որը

պրակական իմաստով իրականացավ ու դրսեռքեց հայկական պետականության կազմավորմամբ։ Հետեւը չի կարելի հայ ժողովրդի և նրա պետականության առաջացումը կտրել նախորդ շրջանից և կամ Հայաստանի պատմության հնագույն շրջանը մինչև օրդ դ. մ. թ. առաջ գուրս նետել հայ ժողովրդի և նրա երկրի պատմությունից։

Հայ ժողովրդի կազմավորումը տեղի է ունեցել հայկական հողի վրա, տեղական էթնիկ տարրերի բազայի վրա և տեղական, հասարակական, պատմական, էթնիկ և կուլտուրական միջավայրում։ Այդ կարելի է հանգամանորեն ցույց տալ Կովկասի, Փաքը Ասիայի և ամբողջ Ասիայի հասարակական զարգացման ընթացքի, քաղաքական պատմության, կուլտուրական և էթնիկ միջավայրի փաստերով և իրեն՝ հայ ժողովրդի նյութական և հոգեոր կուլտուրայի, լեզվի, տեղանունների, տոհմանունների, նույնիսկ մարդարանական կազմի տվյալների հիման վրա։ Սակայն այդպիսի մանրակրկիտ ուսումնասիրությունը մեծ և երկարատև աշխատանք է պահանջում և այսպիսի մի հոգվածում այլ հապատակը չենք էլ հետապնդել Հայկական ՍՍՌ Գրտությունների Ակադեմիայի իսկական անդամ, պրոֆ. Գր. Ղափանցյանի «Հայաստան — հայերի բնօրբան» գիրքը տվյալ հարցը քննարկող առաջին լուրջ և ծանրակշիռ աշխատությունն է հանգիստանում։

Ներկա հոգվածում սահմանափակվելու ենք մի քանի թոռուցիկ գիտողություններով, որոնք հայ ժողովրդի առաջացման միջրացիոն տեսության քննադատության տեսակետից կարող էլն բավարար համարվել, ստկայն հայ ժողովրդի կազմավորման պատմության լուսաբանությունը բավարար չափով չեն տալիս և ավելի ջուտ ընթերցողին միայն ծանոթացնելու են քննարկվող հարցի դրության հետ։

Հայաստանում հնագույն բնակչության գոյությունը, շնորհիվ վերջին տարիներում կատարված գյուտերի, կարելի է հավաստել սկսած ստորին պալեոլիթից ամբողջ քարե դարի, բրոնզե դարի ժամանակաշրջաններում և հետո, այսինքն՝ սկսած վայրենի հորդաների գոյության ժամանակներից մինչեւ դասակարգային հասարակության և քաղաքակիրթ ժողովրդի առաջացումը և զարգացումը։

Տոհմական հասարակության քայլայումը Հայկական կեռաշխարհում, ինչպես կարելի է եղրակացնել հիերոգլիֆ և սե-

պագիր արձանագրությունների տված տեղեկություններից և
հնագիտական նյութերից, սկսվել էր գեռ երկրորդ հազարամյա-
կի կեսերից (մեր թվ. առաջ):

Պրոֆ. Դր. Ղափանցյանի «Հայաստան — հայերի բնօրրան»
աշխատության մեջ մասնաւում քննարկված է Հայաստան ցեղային
միության պատմությունը:

Դեռ 15-րդ դ. մ. թվ. ա. Փոքր Հայքի և Բարձր Հայքի
տերիտորիաների վրա կազմավորվում է հայա ցեղերի Հայաստա-
կամ Հայաստան Ազգի տոհմացեղային միությունը, որը մոտ երեք դար
ուազմական ընդհարումների մեջ էր գտնվում Խեթական պետու-
թյան հետ, որի հետ պահպանում էր նաև քաղաքական ու տնտեսա-
կան հարաբերություններ: Դա ուղղմացեղային միություն էր,
որի առաջնորդին խեթերը «թագավոր» էին անվանում: Հայաստան
ուներ սեփական զորք, բավականաչափ զարգացած տնտեսու-
թյուն և կուլտուրա:

13—10-րդ դ. գ. ասորական բնեռուագիր արձանագրությունն-
ները պատմում են Վանա լճի շրջանի նախրյան և ուրարտա-
կան 60-ից 23 թագավորների մասին: Կասկածից գուրս է,
որ խոսքը վերաբերում է նախրյան և ուրարտական ցեղե-
րին, որոնք միավորվում են սկզբում նախրյան, ապա ուրար-
տական ցեղային միությունների մեջ: Վերջինների հետա-
գա զարգացման շնորհիվ էլ տուաջացավ ուրարտական պետու-
թյունը, որն ավելի նպաստեց տոհմական հասարակության քայ-
քայմանը:

Սակայն ուրարտական պետության տարբեր ժամանում հա-
սարակությունը գտնվում էր զարգացման տարբեր աստիճանի
վրա: Մետաղագործության զարգացումը առաջին հազարամյակի
սկզբներին Հայկական Լեռնաշխարհում՝ խոշոր չափով նորաստեց
արտադրողական ուժերի զարգացմանը, մեծ զարկ ստացան
անամնապահությունն ու երկրագործությունը: Հնագիտական նյու-
թերը հնարավորություն են տալիս պնդելու, որ այս շրջանում
խորանում է աշխատանքի հասարակական բաժանումը: Լեռնա-
յին վայրերի բնակչությունն առավելապես անասնապահությամբ
էր զբաղված, իսկ դաշտավայրերի բնակիչները՝ առավելապես
երկրագործությամբ:

¹Տե՛ս Գր. Կապանցյան, Խայաս — կոլաբել արման. Издательство
Академии Наук Ари. ССР, Ереван, 1947 г.

Մետաղագործության առաջացումը նպաստում է արհեստակերի զարգացմանը, որը առնում էր դեպի աշխատանքի հասարակական երկրորդ բաժանումը՝ արհեստի երկրագործությունից բաժանվելուն։ Առաջանում է աշխատանքի գործիքների մասնավոր սեփականությունը, գույքային տարրերությունը։ Սկանի ավաղանում և այլ վայրերում հիշյալ ժամանակաշրջանի դամբարանների պեղութիւնը ցույց են տալիս ավելին քան գույքային տարրերության առկայությունը։ Սկանի ավաղանում, օրինակ, հանդիպում են հարուստների և տղքատների դամբարաններ։ Տղամարդկանց դամբարաններն ավելի հարուստ են, քան կանանց դամբարանները, երբեմն տղամարդու հետ թաղված է լինում կինը, մի հանգամանք, որը ցույց է տալիս նահապետական ընտանիքի առաջացումը։

1906 թ. Մարտունու շրջանի Աղիաման գյուղի մոտ պեղված մի դամբանաբրլուրում բացվեց հետեւյալ պատկերը. ցեղի առաջնորդը թաղված էր մի քանդակաղարդ սայլի վրա, որի շուրջ անկանոն ձեռվ ընկած էին ևս 13 կմախք, որոնք կարող էին սպանված և տիրոջ դամբարանում թաղված ստրուկների պատկանել. Ուրեմն առաջին հազարամյակի (մեր թվ. առաջ) առաջին կեսերին Սկանի ավաղանում էլ սկսել էր սարկատիրությունն առաջանալի նախառուրարտական և ուրարտական շրջանից պահպանվել են բերդշների և բերդաքղաքների բազմաթիվ ավերակներ, որոնք նույնպես պատկանում են տոհմական հասարակության քայլայման և գասակարգային հասարակության առաջացման շրջանին։

Ուրարտական արձանագրություններն էլ խոսում են տոհմական հասարակության քայլայման շրջանի երեսութը հանդիպացող տոհմացեղային խմբակցությունների և նրանց երկրների ու բներդերի վերաբերյալ։ Ռուսա Լի (730—714) Սկանի ավելացուան (այժմ Ծովինար) գյուղի մոտ թողած արձանագրության մեջ լճի հարավային ավաղանում թվարկվում են 24 երկլըներ, որոնցից չորսը համարվում են խոշոր երկրներ։ Կասկածից դուրս է, որ այստեղ էլ խոսքը վերաբերում է յեղերին, ցեղային խմբակցություններին և նրանց երկրներին։

Պըտֆ. Բ. Բ. Պիոտրովսկին «Հայ ժողովրդի առաջացման մասին» առանձին գրքույկով լույս տեսած աշխատության մեջ նույն ուրարտական արձանագրությունների հիման վրա իսոսում է Հայաստանի հարավ-արևմուտքում գտնվող Արմինա—Արմե

երկրի և ցեղախմբի մտսին, որը նրա կարծիքով հայ ժողովրդի մեջ որպես հիմնական էլեմենտներից մեկը մտած տեղական արմենական էթնիկ խմբակցությունն է հանդիսացել:

Պրոֆ. Դր. Ղափանցյանը վերեւում հիշված իր աշխատության մեջ ցույց է տալիս, որ Արմինան տեղական արամեական-խուրբիտական ցեղային խմբակցություն էր հանդիսանում:

Տոհմացեղային խմբակցությունները, միությունները, որպես տնտեսական, կուլտուրական, քաղաքական, աղջակցական՝ աստիճանաբար բազմապատկվող և ամրապնդվող կապերով իրար հետ կապված մարդկային մեծ խմբակցություններ, առաջանում էին տոհմական կարգերի քայլայումով: Նրանց զարգացման հաջորդ քայլերը տանում էին գեղի գասակարգայնորեն շերտավորված, տերիտորիալ, կուլտուրական, լեզվական առավել կամ նվազ ընդհանրության հիման վրա և պետական կազմակերպության մեջ միավորված ժողովրդի դոյացումը:

Այս պրոցեսի խորացման որոշ աստիճանի արդյունք հանդիսացող ուրարտական պետությունը կիմերական և սկյութական արշավանքների ժամանակ թուլանտրով, մեղական պետության հարվածների տակ 585 թ. կործանվեց: Դրանով նպաստավոր պայմաններ ստեղծվեցին Հայկական Լեռնաշխարհում առաջացած մի երկու ցեղային միությունների հղորացման համար:

Էնդեւսը նշում է, որ ցեղերի միությունն արդեն նշանակում է նախնադարյան համայնական հասարակության անկման սկիզբը¹ և թնիկ կազմավորման պրոցեսը առաջ էր գնում տոհմական կարգերի քայլայման, աշխատանքի հասարակական բաժանման (արենստը բաժանվում է երկրագործությունից) և դասսակարգային տարբերությունների խորացման հիման վրա պետականության առաջացման ընդհանուր պրոցեսի հետ միանաբար: Ուրարտական պետության անկումը հնարավորություն էր բաց անում, որպեսզի առավել զարգացած և հզոր տոհմացեղային միությունները, որպես առաջատար և զորեղ ուժ, իրենց շուրջը համախմբեին Հայկական Լեռնաշխարհի մյուս ցեղերին ու թույլ ցեղախմբերին և հանդես գալով նոր կազմավորվող

¹ Ֆ. Էնդեւս, Հնատանիքի, մասնավոր սեփականության և պետության ձագումը, Երևան, 1948, էջ 129.

ժողովրդի կորիզի դերով, իրականացնելին մյուս ցեղերի ասիմի-լիսցիան և մեկ ժողովրդի մեջ համաձուլելու գործը՝ Դրա հետեւ վանքով էր, որ էնգելսի խոսքերով առաջ՝ Շնորհ իրար կողքի ապրող ցեղերի միության փոխարեն առաջ եկավ նրանց միաձուլումը, որպես մի միասնական ժողովուրդ։¹

Պրոֆ. Գր. Ղափանցյանը ցույց է տվել որ տոհմացեղային խմբակցությունների համախմբողի և ասիմիլիացիայի շնորհիվ է մի համաձուլողի դերում Հայկական Լեռնաշխարհի կենտրոնական և արևմտյան մասում հանդես է հեկել Հայասա տոհմացեղային միությունը, որը և իր անունը ավել է հայ ժողովրդին Բ. Պիոտրովսկին և Ղափանցյանը հայ ժողովրդի կազմավորման գործում կարենոր գեր խաղացած մի հրկորդ ցեղային միություն էլ, ինչպես ասացինք, համարում են Արմեն=Արմեն ցեղախումբը, որը հայ ժողովրդին ավել է նրա Արմեն անունը։

Հայասա ցեղային միությունն ընդարձակվում է դեպի արևելք, մանավանդ դեպի հարավ-արևելք, իրեն ենթարկելով և ասիմիլիացիայով իր մեջ ձուլելով մի քանի այլ ցեղախմբեր։ Վերջիվերջո 6—5-րդ դ. դ. տեղի է ունենում Հայասա և Արմեն ցեղախմբերի միավորումը, զրանով կազմավորվում է հայ ժողովրդի կորիզը։ Ապա տեղի է ունենում Հայկական Լեռնաշխարհի մասցած մի շարք ցեղախմբերի, նաև ուրացացիների գլաւի մասի, ինչպես և Հայկական Լեռնաշխարհում հաստատված սկյութական խմբերի ասիմիլիացիան։ Այս ամենի արդյունքն է լինում հայ ժողովրդի կազմավորումը։

Ժողովրդի և պետության կազմավորումը, որպես տոհմական հասարակության քայլայման և զասակարգային հասարակության առաջացման հետեւնք, տեղի էն ունենում միասնաբար։ Պետության կազմավորումը որոշ պայմաններում կարող է նաև խորդել ժողովրդի կազմավորմանը, համենայն դեպս ժողովրդի կազմավորումը տեղի է ունենում պետության մեջ։ Բարբարոսական տիպի պետության մեջ ժողովրդի էթնիկ կազմավորումը դեռ շարունակվող պլոցես է։

Կազմավորվող պետության մեջ վարչական պաշտոնները պետական գոռնալով, զուրս են գալիս ցեղի կամ համայնքի շըմ-ջանակներից և ստանում են համապետական նշանակություն։

1 Յ. Էնգելս, Ընտանիք, մասնավոր սեփականության և պետության ծագումը, Երևան, 1948 թ., էջ 145։

Վերևում ասվածից պարզ երևում է, որ հայ ժողովրդի կազմավորումը տեղի է ունեցել տեղաբնակ ցեղախմբերի հասարակական օրինաչափ զարգացման հետեւանքով և տեղական էթնիկ առարերի բազայի վրա: Այս պրոցեսն է, որ իր ամբողջ բարգությամբ և օրինաչափություններով պետք է լուսաբանվի որպես հայ ժողովրդի գոյացման պատմական պրոցես: Սակայն միգրացիոն տեսությունը դրա հետ ոչ մի գործ չունի: Պետք է կոնկրետ փաստերով ցույց տրվի այդ պրոցեսի ընթացքը և կազմավորվող ժողովրդի կորիզի գեր խաղացած ցեղային միությունների վճռական նշանակությունը այդ պրոցեսի ամբողջ անողության ընթացքում:

Նման դեր խաղացած եկվոր էլեմենտի գաղթի մասին պատմական հավաստի տեղեկություններ չկան: Անվիճելի փաստ է կիմերների և սկյութների ներդադթը, Սակայն հայ էթնոսի մեջ ժամանակական կամ սկյութական էլեմենտները խոշոր նշանակություն չեն ունեցել:

Առաջավոր Ասիայի հասարակությունը առաջին հազարամյակի երկրորդ կեսին (մ.թվ. ա.), ինչպես ասվեց, արդեն թևակոխել էր տոհմական հասարակության քայլայման, պետությունների և ժողովուրդների կազմավորման փուլը Մի քանի երկրներում այդ գործը ավելի փառ էր տեղի ունեցել իսկ Հայաստանում և Հայաստանի անմիջապես հարևան երկրներում 7—2 դ. թվ. առաջ այն կատարվող փաստ էր, առանց արտաքին վճռական ազդակների:

Ամբողջ միջավայրի համար էթնիկ կազմավորումներին նպաստող հանգամանքներ, ինարկե, կարող էին լինել և կային: Օրինակ, քաղաքական հանգամանքները: Ասորաւարելական, տւրարտական պետությունները քայլայվել և կործանվել էին, պրատան նպաստել էին կիմերների, սկյութների ներարշավը, մեղական հղոր պետության առաջացումը, սկյութների դաշինքը մեղացիների հետ և դրա հետեւանքով ուժերի վերադասավորումն ու նոր փոխհարաբերությունները:

Ավելի ուշ խոշոր դեր խաղաց պարսկական (6—4 դ.դ.) և Սևլեկյան (3—2 դ.դ.) պետությունների գոյացումը, որպես ժողովուրդների կազմավորման պրոցեսը առաջ մղող հանգամանք, ապա և այս պետությունների քայլայումը և անկումը, որպես նպաստավոր պայման ձևավորվող ժողովուրդների, մասնավորապես հայերի

պետականության առաջացման համար, որով ամրապնդվում և հաստատվում էր այդ ժողովուրգների գոյությունը:

Հասարակական զարգացման միենույն, կամ համարյա միենույն պայմաններում և միենույն էթնիկ միջավայրում այս կամ այն ժողովրդի կորիզը հանդիսացող ցեղային միության շուրջը կարող էին համախմբվել և նրա հետ համաձուլվել ավելի թույլ կամ իրենց կազմով ավելի հեղինակուկ տոհմացեղային խըմբակցությունները, որպես բազկացուցիչ էթնիկ էլեմենտ մտնելով մասամբ տվյալ, մասամբ էլ հարևան կազմավորվող ժողովրդի մեջ:

Այս ձեռք հայ և վրաց ժողովուրդների մեջ մտել են մի շարք հարևան և ազգակից տեղական ցեղեր, առաջացնելով երկու ժողովուրդների լեզվի և կուլտուրայի որոշ էլեմենտների սերտ ազգակցությունը, որը հետագայում դարերի ընթացքում ավելի է ընդարձակվում:

Այն պնդումը, թե հայ ժողովուրդը կազմավորվել է տեղական ցեղախմբերից, ապացուցվում է նաև նյութական և հոգեոր կուլտուրայի տվյալներով:

Հայ ժողովրդի նյութական կուլտուրան 6. բդ դ. (մեր թվ. առաջ) Հայաստան եկած ժողովրդի բերովի կուլտուրա չէ: Այժմ անցել են այն ժամանակները, երբ ժխտվում էր քարե դարը Հայաստանում, երբ բրոնզն ու երկաթն էլ եվրոպական գիտնականների (Վիլկե, Ժակ Պլ Մորգան, Շանտր) կողմից համարվում էին ուրիշ տեղից բերված:

Այդ միջրացիոն անհեթեթ տեսակետը հերքվեց և մերժվեց նաև փաստական ընդարձակ նյութով: Հայաստանում և ամբողջ Անդրկովկասում այժմ, շնորհիվ սովետական իշխանության տարիներին հայտնաբերված հնագիտական նյութի, կարելի է հետեւ տեղական կուլտուրայի հաջորդական զարգացման ընթացքին՝ սկսած ստորին պալեոլիթից մինչև բրոնզի-երկաթի մետաղագործական կուլտուրան, ըստ որում հայտնաբերվել են բրոնզի և երկաթի ձուլարաններ, բրոնզի իրեր ձուլելու կաղապարներ և արհեստանոցներ, որոնք մազաչափ անգամ տարակույս չեն թողնում մետաղագործության և մետաղներից պատրաստված իրերի և գործիքների տեղական ծագման վերաբերյալ:

7—2. բդ դ. դ. (երբ իրեկ թե տեղի է ունեցել արմենների կարծեցյալ գաղթը) մետաղագործությունը, քարակոփությունը, բերդաշինությունը, գամբարանները, կավագործությունը, զեն-

քերը և այլ գործիքները նախորդ շըջանների տեղական կուլտուրայի օրգանական շարունակությունն են կազմում և ներքին օրինաչափ գարզացում են ունեցել Նոր եկած ցեղերի կամ ժողովուրդների բերովի կուլտուրայի մասին եթե խոսք լինի, ապա կարելի է հիշատակել միտյն և միայն սկյութական սլաքները, սրերը և սկյութական ձիու կմախքները, սանձը, որոնք գտնվեցին նաև Կարմիր-բլուրի պեղումների ժամանակի Այդ ժամանակաշրջանում արևմուտքից գաղթով բերված կուլտուրայի հետք անգամ չկա, իսկ ասորական և եզիպտական կնիքները և այլ առանձին իրերը, որոնք գտնվել են ուրարտական բնակավայրերում, այսուղ են բերվել փոխանակային հարաբերությունների և կուլտուրական կապերի շնորհիվ:

Նույնը կարելի է ասել և հոգենոր կուլտուրայի վերաբերյալ՝ Գերմանական գիտնականները հասարակական հումանիզմության և հասարակական մտքի զարգացման միևնույն աստիճանով պայմանավորվող ընդհանրությունները տարբեր ժողովուրդների արվեստի, միջների, կրոնական և այլ բնույթների մեջ բացատրեցին որպես հնդագերմանական ցեղի ստեղծագործած և գաղթի միջոցով տարածած կուլտուրայի ընդհանրությունները նույնիսկ հորինվեց, այսպես կոչված, թափառական ասքերի և առասպելների տեսությունը, որ իրեն թե մեկ անգամ, մի տեղում ստեղծվելով՝ առասպելները թափառում են տեղից աեղ և տարածվում:

Այս հետամնաց տեսությունը անհարիր է գիտելիտիկական մատերիալիզմին և նրա հերքելը ոչ մի գժվարություն չի ներակայացնում: Սակայն իրոք տեղի ունեցող գաղթերի ժամանակ գաղթողները բնականաբար իրենց հետ տանում են, իսկ ներգաղթովները կըերեին իրենց հոգենոր կուլտուրան, որը իհարկե կիոխակերպվեր և՝ գաղթի ճանապարհին, և՝ մասնավանդ Շնորհայրենիքում», ըստ որը այս կամ այն ձևով ու չափով կապահպաներ նուև իր երանգավորումը և առընթերությունները տեղաբնակ ցեղերի կամ ժողովրդի հնատմենի ավանդությունների համեմատությամբ: Կարմիր են արդյոք հնգերոպարան գիտնականները և նրանց հետեւղները նման երեւյթ գտնել հայ ժողովրդի հոգենոր կուլտուրայի մեջ: Ի գեպ Մ. Աբեղյանը այպիսի «թափառական ավանդություն» համարել է Հայկի առասպելը, գիտելով այն որպես Օրիոնի՝ Հայաստան եկած ավանդության կրկնակը:¹ Իսկապես Հայկը

¹ ՑԷԱ Արեգյան, Հայ ժողովրդական առասպելները, Վաղարշապատ, 1899, էջ 268:

Օրիոնի հետ կապվում է, բայց ոչ թե որպես «թափառական աշխանդություն», այլ տռաեմիզմի, նախնիների պաշտամունքի, ապա տիեզերական մարմնի (Հայկը և Օրիոնը նույն համատեղությունն են), ապա տիյալ ժողովրդի՝ աստվածացրած, բայց մարդակերպ նախահոր՝ մարդկային մտածողության հնագույն շըրջանների զարգացման աստիճանները նշանավորող այս փոխակերպություններով:

Հայկի առասպելը բերովի կամ եկովի չէ, նա ավանդական անդրագարձումն է ուրարտական և ասորական պետությունների միջև տեղի ունեցած պայքարի ու տեղական է ոչ միայն պատմականությամբ, այլև կոլորիտով։ Տեղական հայկական կամ Փոքր Ասիական, Մերձավոր Արևելյան հնագույն միջավայրի հետ են կապվում նաև Տորք Անգեղի, Թորգոմի (Թոգարամա, ասորական Թիւ-Գարիմա), Նանեի, Վահագնի, Տիրի, Արա Գեղեցիկի, Անահիտի վերաբերյալ ավանդությունները։ Տեղական են բազմաթիվ կենդանիներին և գագաններին (եղ, առյուծ, արջ, վիշապ և այլն), թռչուններին (արագիլ, ազուավ, կաչաղակ, կոռունկ, սինամահավ և այլն) նվիրված միջական և սիմվոլիկ հասկացողությունները։ Ուրեմն հոգեկան կուլտուրայի մեջ էլ եկվոր ցեղերի հետքերը չենք գտնում։

Հայկական ցեղանունները կամ տոհմանունները (հայ-իսեթական հայաստ, սոմելի-իսեթական Սուխմա=ասորական սուխմե, Մանավազ (յան) տոհմ, Գնթունի, Արծրունի, Վահեունի, Բզնունի, Արելյանք, Խոռխոռունի և այլն) կապվում են ուրարտա-խուրսիտական աշխարհի հետ, մյոււնները (Արտաշեսյան, Արշակունի, Տիգրան, Կամսարկան, Պահլավունի) Պարսկաստանից են փոխառնվելի եվրոպայի հետ չի կապվում և ոչ մի տոհմանուն։ Հընդերոպարանները եվրոպայի հետ են կապված Արմեն անունը։ Սակայն վերևում նշվեց Արմեն ցեղային միության մասին, որը գտնվում էր Հայկ. Լեռնաշխարհի հարավ-արևմտյան մասում։

Պրոֆ. Ղափանցյանը ցույց է տալիս, որ Արմեն անունը Փոքր Ասիական, իսեթո-ուրարտական, ասորական արձանագրությունների մեջ հաճախ հանդիպող տեղական արամեական-խուրրիտական անունն է։ Միայն երկու դեպք է հայտնի, երբ այդ անունը հանդիպում է Բալկաններում, և այդ ձետական նմանության հիման վրա էլ հույն պատմիչները և եվրոպական գիտնականները կառուցել են, առաջինները՝ իրենց ավանդությունները հայերի

վերաբերյալ իսկ երկրորդները՝ հայերի եվրոպայից զաղթելու առասպելը:

Որքան ընդարձակվում է խեթո-ուրարտական արձանաշրջյունների թիվը, այնքան ավելի հայտնի են գառնում հայ ժողովրդի կապերը խեթուիուրո-ուրարտական-ասորական, Փոքր Ասիական և Կովկասյան աշխարհի հետ:

Այդ վերաբերում է մանավանդ տեղանուններին և լեզվին:

Արգեն հայտնի են մի քանի տասնյակ հնագույն տեղանուններ, որոնք գալիս են ուրարտական և խեթական բնիկներից (խեթ. Ալսե—ուրարտական Ալզինի—Աղձնիք, խեթ. Խուվա—ուրարտ. Ցուպա—Շոփք, Էլզիթե—Հանձիթ, Ապուունի—Ալահունիք, Դիառուեխի—Տառի—Տայր, Արիլիանիւխի—Արենենք, Սուինի—Սյունիք, Ախուրիանի—Ախուրիան և այլն և այլն), Սովորաբար գաղթականները իրենց նախկին բնակավայրի տեղանուններով կոչում են նոր բնակավայրի շատ տեղանունները: Թող միզրացիոն տեսության կողմանկիցները ցույց տան «հնդկաբոպական» արմենների կողմից բերված թեկուղ մեկ-երկու անուն, բացի կիմերների և սկյութների հետ կապված անուններից: Տեղական, Փոքր Ասիական է և հայերի մարդաբանական տիպը, որը նույնպես Բալկանների հետ չի կապվում:

Վերջապես հայերեն լեզուն, որը հնդկրոպաբանների հիմնական արգումենտն է հայերին եկվոր համարելու, ոչ մի հիմք չի տալիս:

Հնդկրոպաբանության անշեղ հետեւող պրոֆ. Աճառյանի հաշիվներով հայկական բառարմատների թիվը 10996 է, որից հնդկրոպական են 713 արմատ կամ 6,5 տոկոսից էլ պակաս: 713-ից էլ մոտ 300-ի զեմ լուրջ առարկություններ ունի Գր. Ղափանցյանը: Խսկապես հնդկրոպական արմատներ մնում են ընդամենը 350—400, որոնք հազիվ կազմում են հայկական բառարմատների մոտ 3—4 տոկոսը:

Պրոֆ. Ղափանցյանի հաշիվներով միայն խեթերենից հայերենի մեջ մտած արմատների համեմատական տոկոսը նույնքան է, եթե ոչ ավելին: Զգալի տոկոս են կազմում այսպես կոչված հաբեթական արմատները, իսկ ոչ հնդկրոպական տեղական արմատների թիվը 5000-ից ավելի է, չհաշված բարբառներում հանդիպող արմատները:

Մառը 1915 թ. հայերենը համարելով «հարեթական» և հնդկրոպական խառը տիպի լեզու, միաժամանակ նշում էր, որ վճռական գերը պատկանում է տեղական, «հարեթական» շերտին:

«Կուլտուրական կյանքի շատ կողմերը,—գրում է Մառը,—համարյա համատարած կերպով արտահայտվում են հաբեթական (այսինքն տեղական, Բ. Ա.) ծագում ունեցող խոսքերով. այսպես օրինակ՝ ծառերի և ընդհանրապես բուսական աշխարհի անունները, հողի մշակման և շինարարության տերմինները, երկրագործական գործիքների, մետաղների անունները՝ ոսկի, արծաթ, երկաթ, պղինձ և կամբարդանքի ու հմայության զանազան տեսակները և դրա հետ կապված՝ հաշիվ և թիվ հասկացողությունների համար բուն հայկական բառերը, անունները այն կինդանիների, որոնք կապված են կովկասի հեթանոսական կուլտի հետ և ընդհանրապես այդ կուլտի տերմինները, ինչպես օրինակ՝ եղ, արջառ, ոչխար, զոհաբերգող անասուն, զոհաբերություն, անեծք և այլն... Բառեր այնպիսի հասկացողությունների համար, ինչպես երկինք, երկիր, ջուր, ոգի—շնչառություն և հոգեկան աֆֆեկտներ՝ վախ, ուրախություն և այն արտահայտող բայիրի մեծ մասը»:

«Մի խոսքով,—եղբակացնում է Մառը,—հայերը կովկասյան աշխարհի մյուս ժողովուրդների հետ միասին հաբեթական ընկեններից ժառանգել են հողագործությունը, մետաղագործությունը, կուլտը, առետրի հիմնական էլեմենտները—ամբողջ խաղաղ կուլտուրան»:

«Հայաստանի նախնական սոցիալական կարգը, տոնմական կենցաղը իրենց բաղմաթիվ տերմիններով, որոնք անցել են հետագա դասային (իմա. դասակարգային, Բ. Ա.) կարգերի տերմինուգիրայի մեջ, բնորոշվում են կամ ամբողջովին հարեթական (տեղական, Բ. Ա.) ծագում ունեցող բառերով, և կամ հարեթական տերմինների իրանական, այն է՝ պարսկական թարգմանությունը հանդիսացող բառերով։ Այնպիսի կենցաղային հասկացողություններ արտահայտող հայերեն բառեր, ինչպես տոհմ, ժողովուրդ, ազգ կամ ժողով→ժողովուրդ՝ մաքուր հաբեթական ժագում ունեն։»

Այսուհետեւ Մառը շարունակում է. «Արիութվոպական էլեմենտները գերակշռում են ուղմական տերմիններում, զենքերին ու ռազմական հանդերձանքին և ադմինիստրացիային ու թագավորությանը վերաբերող անունների մեջ։ Բայց այս տերմինները բոլորը, կամ համարյա բոլորը—իրանական, այսինքն պարսկական բառեր են»¹.

¹ Н. Я. Mapp, Кавказский Культурный Мир и Армения, стр 30–32.

Այսպիսով հայերենի բառապաշարը Մասի կարծիքով տեղական, «հարեթական» է:

Մի փոքր ավելի մեծ է համարվում հնդկրոպական շերտը հայերենի քերականության մեջ. Սակայն այս տեսակետն անվիճելի չէ նույնիսկ հնդկրոպարան գիտնականների շրջաններում: Հնդկրոպարանության խոշորագույն ներկայացուցիչ Մեյեն, օրինակ, ուսումնասիրելով հայերենի քերականությունը՝ եկավ այն եղակացության, թե հայերենի հնչյունական և ձևաբանական սիստեմը խորապես տարբերվում է հնդկրոպականից: Դեռ 1915 թ. ակադ. Ն. Մառը խոսելով հայերեն լեզվի օրինաչափությունների մասին, ասել է, թե «այն ամենը, ինչ հայերենին տալիս է ինքնատիպ, ինդիվիդուալ—հայկական բնույթ, կազմում է նրա տուանձնահատկությունը թե՛ հնչյունների, թե՛ ձևերի, կամ բառերի ընտրության բնագավառում, այս ամենը ճնշող մեծամասնությամբ կամ ուղղակի գալիս է հարեթական (այսինքն տեղական, թ. Ա.) լեզուների գանձարանից, կամ բացատրվում է նրանց օրենքների ազդեցությամբ: Այս ամենը հայերին եղոր պես ազգակից է զարձնում հարեւանների հետ, կովկասյան աշխարհի բուն ներկայացուցիչների, հատկապես վրացիների հետ»:¹

Հնդկրոպական համարվող բառարժատներն ու որոշ քերականական ձևերը, որոնք հետագա փոխառություններ չեն, կարող էին հայերեն լեզվի մեջ մուծվել տեղական՝ Փոքր Ասիական և եկվոր սկյութական հնդկրոպական համարվող այն էթնիկ էլեմենտների կողմից, որոնք մտել են հայ ժողովրդի կազմի մեջ, որպես նրա բաղկացուցիչ մասը: Որոշ բառեր և ձևեր էլ կարող էին յաւրացնել իրենց հարեւան հնդկրոպական համարվող ցեղերից հայ ժողովրդի կազմի մեջ մտած առանձին ցեղախըսքերը, բերելով իրենց հետ նաև այդ ժառանգությունը: Վերջապես լեզուն ինքը ենթակա է զարգացման և փոխակերպությունների:

Ն. Մառը գտնում էր, թե որոշ լեզուներ զարգանալով հարեթական համարվող ստագիայից՝ անցնում են հնդկրոպական համարվող ստագիային: Հայերեն լեզուն էլ Մառը համարում էր ժաքուր հարեթական և կատարյալ հնդկրոպական լեզուների միջև ընկնող միջանկյալ էտապի անցողիկ վիճակը ներկայացնող լեզու, որն հեռացել է հարեթական՝ ընտանիքի նախնական վի-

¹ Նույն տեղ, էջ 30:

ճակից, բայց լիովին հնդերոպականության չի հասել Ուրեմն հայերենը զարգացել է կցականից գեղի թեքական լեզու դառնաւու, հնդերոպականանալու ուղղությամբ, բայց հնդերոպական չի դարձել, հետևաբար հայերենի հնդերոպական համարվող քերականական ձևերը Մասի մոտ բացատրություն են ստանում առավելապես իրեն հայերեն լեզվի զարգացմամբ։ Հայտնի է, որ քերականական ձևերն ավելի են ենթակա զարգացման և փոփոխման, քան բառարմատները։

Պրոֆ. Գր. Ղափանցյանը, տռաջ տանելով հայերեն լեզվի ուսումնասիրության գործը, նշում է, որ հայերենի զարգացումը և քերականական օրինքները անհասկանալի և անբացատրելի կմնային, եթե հայերենը համարվելով հնդերոպական լեզու, կարվեր իր կովկասյան, խեթո-խուրո-ուրարտական բնական միջավայրից։ Նա ցույց է տալիս, որ հնդերոպական այն շերտը, որը հայերենի մեջ մտել է որպես կազմավորվող լեզվի բաղկացուցիչ մաս, փոքր առկոս է կազմում։ Հայ ժողովուրդը Ղափանցյանի կարծիքով կազմվել է տեղական էթնիկ մատերիալի հիման վրա, հայերեն լեզուն էլ կազմավորվել է տեղում իրերութարթվելական, խեթո-խուրո-Փոքր Ասիական ուրարտական միջավայրում բնակվող և այդ միջավայրի հետ կապված էթնիկ տարրերի լեզուների հիման վրա։

Այսպիսով Հայկական Լեռնաշխարհի ամբողջ ալատմությունը, այստեղի հասարակական զարգացման օրինաչափությունների կոնկրետացումը բոլոր գծերով՝ բնակչության զբաղմունքը և նյութական արտադրությունը, նյութական և հոգեոր կուլտուրան, հայ ժողովուրդը կազմող էթնիկ տարբեն իր ավանդություններով ու լեզվով, —ահա այս ամենը անառարկելի կերպով ժխտում են հայ ժողովրդի և նրա լեզվի ու կուլտուրայի միզրացիոն տեսությունը և հաստատում են նրանց օրինաչափ առաջցումը տեղում։

Հայ ժողովրդի առաջացման միզրացիոն տեսության հիմնական արատն այն է, որ նա հայ ժողովրդի կազմավորումը կտրում է պատմական հողից, այն չի դիտում որպես ժողովուրդ-ների կուզմավորման համապատմական օրինաչափություններով առաջ ընթացող մի տեսական պատմական պրոցես, կտրելով պատմական միջավայրից, անտեսում է այդ պատմական պրոցեսի զարգացումը բացահայտող արդեն բավականաշափ առատ փաստական նյութը։ Անտեսվում են տեղական էթնիկ տարրերը և

Հայկական Լեռնաշխարհի տոհմական հասարակությունից դասակարգային հասարակության, էթնիկ և պետական կազմավորման խորը պրոցես ապրող բնիկների խկական պատմությունը փոխարինվում է միգրացիայի հետամնաց տեսությամբ, որով պատրաստի ժողովուրդը մի տեղից մյուսն է փոխադրվում: Մի տեսություն, որի հիմքը արևմուտքի ռեակցիոն բուրժուական իդեալիստական մետաֆիզիկան է, և որն ուղեկցվում է արևմուտքի իմպերիալիստական պետությունների ռասայական, նվաճողական հաշիվներով:

Մերձավոր Արևելքի քաղաքական պատմությունը, Հայաստանում և նրա հարեան հրկրներում հայտարերված հիերոգլիֆ և սեպագիր արձանագրությունների, նյութական կուլտուրայի, հոգևոր կուլտուրայի (լեզվի, մտածողության, առասպելների, կրոնական ըմբռնումների), տեղանունների և ցեղանունների (այդ թվում և տեղական ծագում ունեցող արմեն և հայ անունների), բնակչության մարդաբանական տիպի ազգագրության — այս բազմազան աղբյուրների տվյալների ամբողջությունը այժմ արդեն բավարար հասարակություններ է ընձեռում պարզելու տեղական այն էթնիկ տարրերը, որոնցից կազմվել է հայ ժողովուրդը (առանց ժխտելու հկվոր էլեմենտի՝ կիմերների, սկյութների գերը), բացահայտելու տեղական հասարակության զարգացման աստիճանը և հետեւելու նրա փոփոխությունների դարբագոր պրոցեսին, հետեւելու աշխատանքի հասարակական բաժանման և հասարակության սոցիալական շերտավորման խորացող պրոցեսի առաջընթացին, որը անխուսափելիորեն տանում էր դեպի հայ ժողովրդի և նրա պետականության կազմավորումը:

Հիշյալ բնագավառների նյութի ուսումնասիրությունը բերում է այն համոզմանը, որ

1) հայ ժողովրդի և նրա պետականության կազմավորումը 7—2 դ.գ. (մ.թ.ա.) պատմականորեն տեղի ունեցող պրոցես էր և հանդիսանում էր հասարակության ներքին գարագացման արդյունք:

2) Հայ ժողովուրդը կազմվեց տեղական էթնիկ տարրերի հիման վրա, բազմաթիվ էթնիկ էլեմենտներ (ցեղեր, ցեղական խմբակցություններ, գրանց թվում և ուրարտացիների մի մասը) ժամանակակից մեջ, սակայն ասիմիլացիա կատարողի դերով հանդես են եկել գարերով քանակական և որակական փո-

խակերպությունների ենթարկվող Հայաստանի հայերի ցեղային միությունը Հայկական Լեռնաշխարհի արևմտյան և կենտրոնական մասում, Արիմ—արմե—արմենների ցեղային միությունը նույն Լեռնաշխարհի հարավ-արևմտյան մասերում։ Ապա տեղի է ունենում այդ երկու ցեղային միությունների համաձուլումը և շրջապատի ցեղային խմբակցությունների հետազա ասիմիլիացիան նրանց կողմից, Հայաստանի անունով նոր կազմագործած ժողոված ժողովուրդն անվանել է իրեն եայ, իսկ Արիմ—արմենների անունով արմեն մեղ կոչել են հարեանները։

3) Ընդունելի պետք է համարել պրոֆ. Գր. Ղափանցյանի այն տեսակետը, թե հայերը ոչ թե հնդերոպական, այլ տեղական՝ Փոքր Ասիական-Կովկայան ժողովուրդ են և նրանց լեզուն Փոքր Ասիական-տեղական է, առաջացած խեթական-խուրրիտական, ուշբարտական-վրացական էթնիկ աշխարհի արանքում, իսկ հայերեն լեզվի հնդերոպական բառարմատները (ոչ թե հետագայում փոխառյալ, այլ հնագույն շերտը, որը 4—5 տոկոսից ավելի չէ), հայերեն ձեւավորվող լեզվի օրգանական բաղկացուցիչ մասն են կազմում և մուծված են հայ ժողովրդի կազմի մեջ, մոտած տեղական Փոքր Ասիական և եկվոր կիմերա-սկյութական հնդեվրոպական հնագույն էթնիկ էլեմենտի կողմից։ Հնդերոպական շերտը հայերենի քերականության մեջ, բացի հիշյալ հնդերոպական էլեմենտի ներմուծությունը լինելուց, հայերեն լեզվի զարգացման հետագա ստաղիայի արդյունք է հանդիսանում, ինչպես նկատել է Մարը 1928 թ.։

4) Հայաստանի նյութական և հոգեսր կուլտուրան էլ առաջցել է տեղական հողի վրա, տեղական էթնիկ աշխարհում, սերտ կապեր ունենալով վերենում հիշված հարեանների կուլտուրաների հետ, կապեր, որոնք արդյունք են հասարակության զարգացման ընդհանուր պայմանների, զարգացման աստիճանի առավել կամ նվազ ընդհանրությունների և կուլտուրական մերձավորության ու համակեցության։

Այս նոր մոտեցումը դեպի քննարկվող հարցը և կուտակված նյութի մեթոդոգիական և մեթոդական ճիշտ հիմունքներով կատարվող ուսումնականությունը, որին ձեռնարկել են մեր առաջավոր գիտնականները, անհրաժեշտաբար հանգեց հայ ժողովրդի կազմավորման և լազվական խմբերի մեջ հայերենի բռնած տեղի կարենագույն հարցերի արմատական վերանայմանը։

Անհրաժեշտ է, որ մեր գիտնականներից ոմանք էլ, գիտա-

կան սառնասրտությամբ, խիզախն վերանայել իրենց վերասրերմունքը դեպի հնդկոպարանությունն ընդհանրապես և դեպի բուրժուական արեմուտքի և նրա կցորդը կամ նմանակը հանդիսացող մինչուելուցիոն շրջանի հայագիտությունը մասնավորապես Անհրաժեշտ է, որ նրանք վերանայեն իրենց սեփական տեսակհատները հայ ժողովրդի, նրա կուլտուրայի, լեզվի առաջացման և ղարգացման հարցերում:

Մեր առջև ինդիք է ծառացած՝ մարքսիստական պատմամատերիալիստական աշխարհմբունդան լույսի տակ վեր հանել հայ ժողովրդի պատմության և կուլտուրայի զարգացման օրինաչափությունները, ցույց տալ նրանց ճշգրիտ պատկերը: Այդ բանին զգալի չափով խանգարում են հնացած տրադիցիաներն ու տեսությունները, առաջին հերթին հնդկոպարան և բուրժուանացիոնալիստական հայագիտության տրադիցիաների ու տեսությունների դեռ պահպանվող մնացորդները, որոնք պետք է հիմնովին արմատախիլ արվեն:



Տեր. Խմբագիր Մ. Կափլանյան

Արքադրիչ Մ. Պարոնիկյան

Հանձնված է արտադր. 24/XI 1948 թ., ստորագրված է տպելու 21/XII 1948 թ.

Վ. Փ. 05323, պատվ. 639, հրատ. № 593, տիրամ 2000, տպադր. 3 մամ.

մեկ մամուլում 38,400 տպանիշ

Հայկական ՕՍՈՒ ԳԱ տպարան, Երևան, Աբովյան, 104

ՆԿԱՏՎԱԾ ՎՐԴԻ ՊԱԿԱՔ

Լ ₂	Մող	Մակընծ է	Ավտ է լինի
11	10 Տ.	ավտոբանիացիները	
25	4 4.	բացառություն	ավտոբանացիները
29	18-12 Տ.	հայութեա բազմէն	բացառություն հայոց բզմին

ԳԱԱ Հիմնարար Գիտ. Գրադ.



220032978

(304)

ԳԻՒԼ 3 Ա.

